

सानसेयारि "बड'सा" ख्रीरालाइयाव
समाज्यादि जिज्जो लोखा थाबाय रायथाय, बन्थाय,
सल', सल'बाथा आरो दावबायारि थावनि, पार्क
बाइदिनि स्यायव लिन्नाय लिन्निबां दैथाय हर्/
सानसेयारि "बड'सा" ख्रीरालाइया खेबखानानै
फोसावगोन।
बड'सायव लिन्नायव हुबा खालाम,
"बड'सा" ख्री नौथां, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
ककाझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Sunday ★ 22 August, 2021 Kokrajhar, BTC, Assam ★ Vol.- 31, Issue No. 147 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

ड्रगस जाग्रा आरो फानग्रा फालांगिरिजों साथाम हमदों

मुसलपुर, 21 आगस्टः
राइज्योआव पुलिस हान्जाया
फेग्रा मुवा ड्रगसनि हेंथायै सांग्रां
हाबाफारिनि गेजेरजों अपारेसन
खालामबाय थानाय समनि
गेजेरावनो दिनै मुसलपुर
पुलिसआ सानै ड्रगस जाग्रा
(□ 5 बिलाइआव)

सप्ताहमेनाइ अखा हाबावगोन, उत्तराखन्द आरो सा-सान्जा

भारतआवः बोथोरबिफान
गोदान दिल्ली, 21 आगस्टः
हादतनि माखासे राइज्योफोरव
दासादि दै बानाजों हालाय-
हाफाय थासारि सोमजिदों। बेनि
सायाव बोथोर बिफानआ फिन
खेबसेबाव अखा हाबावनो हागौ
होन्नानै सांग्रांथि फोसावदों।
भारतनि बोथोरखों लानानै फेग्री
समनि अखाखों लानानै बोथोर
(□ 5 बिलाइआव)

ड्रगसजों लोगोसे साथाम लाइमोनफोरखौ हमदों



मुसलपुर, 21 आगस्टः राइज्योआव पुलिस हान्जाया फेग्रा मुवा
ड्रगसनि हेंथायै सांग्रां हाबाफारिनि गेजेरजों अपारेसन खालामबाय
थानाय समनि गेजेरवनो दिनै मुसलपुर पुलिसआ सानै ड्रगस
जाग्रा लाइमोनफोरखौ लोगोसे सासे ड्रगस फालांगिरिजों हमनो
हायो। जायगानि राइज्यो-राजाफोय खौरां होनायनि उनावनो मुसलपुर
दख'रा एवसुआ मुसलपुरनि साखाथि बांनारि गामियाव बाबुल
बर' आरो मानसिं मोसाहारि मुनि (□ 5 बिलाइआव)

आसामनि मोन 30 फरायसा आफादफोरा जुथायै सावरायमेल खुंदों

गुवाहाटी, 21 आगस्टः
गुवाहाटी नोगोरमनि पानबाजार
प्राग कन्टेनेटेल हटेलआव दिनै
21 आगस्ट 2021 खालाराव
आसामनि गुबुन गुबुन हारि
माहारिनि मोन 30 फरायसा
आफादफोरा। जुथायै
आथिखालाव नुजानाय गुबुन
(□ 5 बिलाइआव)

सानथामनि हाबाफारिजों आसाम दावबायफेदों मिर् मन्थि सर्बानन्द सनवालआ

आसामाव जन आशिर्बाद यात्राखौ दैदेनगोन

गुवाहाटी, 21 आगस्टः
सानथामनि हाबाफारिजों गोदान
दिल्ली नागरानानै आसामाव
नुजाथिफेदों बारग' गिबि मन्थि
एबा मिर् मन्थि सर्बानन्द
सनवालआ। राइज्योआव
सानथामनि हाबाफारिजों जन
आशिर्बाद यात्राखौ दैदेनगोन



आसामाव फरायसालिफोरखौ खेबसेयैनो खुलिफिनाय नडा

1 सेप्टेम्बरनिफराय राइज्योआव आनलकनि फारिखाथिआ जागायगोनः रुजु पेगु

गुवाहाटी, 21 आगस्टः दिनै
रुपही हातआव नुजाथिनानै
राइज्योनि सोलौंथाय मन्थि रुजु
पेगुआ आसामआव फरायसालि
आरो सोलौंथाय फसंथानफोर
खुलिफिनायनि सायाव माखासे
गोनांथार बाथ्राफोरखौ
फोसावदों। खौरांगिरिफोरा
फरायसालि खुलिफिनायनि

सायाव सौनाय मोनसे सौंथिनि
फिनायाव मन्थि पेगुआ बुंदोंदि,
गिबिआव गासैं बो
फरायसालिफोरखौ एखे
समावनो खुलिनाय नडा।
सरकारआ बेनि सायाव थांखि
लादोंदि, जोबथा बोसोर
थाखोनि फरायसाफोर जेरे 10
थाखो, 12 थाखो आरो जोबथा
सेमिस्टार थाखोनि
फरायसाफोरनि थाखाय सिगांग्रो

फरायसालिफोरखौ
खुलिफिनाय जागोन। फेग्री 1
सेप्टेम्बरनिफराय राइज्योआव
आनलकनि फारिखाथिआ
जागायगोन। मोनसे
जिल्लानिफराय गुबुन मोनसे
जिल्लासिम थानो हानायनि
राहाखौ 1 सेप्टेम्बरनिफराय
आबुडै जागायफिनो हागौ।
राइज्योनि कभिड-19 नि
(□ 5 बिलाइआव)

मिर् मन्थि सनवालआ। मिर्
सरकार खुंथायनि गोहोआव
थानाय बिजेपि दोलोआ हादरनि
गुबुन गुबुन राइज्योफोराव
बान्जायदों बे जन आशिर्बाद
यात्राखौ। बे यात्रायावनो बाहागो
लानो थाखाय आसामाव
नुजाथिफेदों मन्थि सनवालआ।
दिनै 21 आगस्ट शनिबारनिफराय
जागायबाय आसामाव जन
आशिर्बाद यात्राया आरो फेग्री
(□ 5 बिलाइआव)

साहित्य अकाडेमिनि बान्जायनायाव दुलाराय
भारत बर' लाइमोन लिरगिरि जथुम्मा खुंदों

ककाझार, 21 आगस्टः
साहित्य अकाडेमिनि
बान्जायनायाव वेबलाइन
थुनलाइयारि फारिनि आवथायाव
मैया 20 आगस्टखालि दुलाराय
भारतनां बर' लिरगिरि जथुम्मा
अनलाइन हाबाफारिनि गेजेरजों
खुंफुनाय जायो। फुनि 10.00

आसामाव फेग्री एप्रिल 2022 निफराय गोदान सोलौंथाय खाथि थिसनगोनः गिबि मन्थि

दिसपुर, 21 आगस्टः फेग्री एप्रिल
2022 निफराय राइज्यो सरकारआ
गोदान सोलौंथाय खाथि (एनइपि)
थिसन्याय जागोन। बेनि हेफाजाबै
ग्रंफोमबो गोजौ फरायसालिफोरखौ
सिनियर सेकेन्डरि फरायसालिआव
फोजौखानाय जागोन। बे हाबाफारिआ
फेग्री बोसोर 2023 माइथायनि मार्च
दाननि जोबनायसिमहालागै आबु महर
मोनहैगोन होन्नानै गिबि मन्थि
हिमन्त बिश्व शर्माया बुडे। बिथाड
बुडेदि, राइज्यो सरकारआ 1 एप्रिल
2022 निफराय गोदान सोलौंथाय
खाथिखौ थिसनो थाखाय साखा-
फारा जाबाय। एनइपिनि बादिदै



ग्रंफोमबो गोजौ फरायसालिफोरखौ सिनियर सेकेन्डरि
फरायसालिआव (□ 5 बिलाइआव)

आसाम सरकारनि 100 सान आबुं जानायाव चिरां जिल्लायवाव जाफुंसायानि हाबाफारि खुंदों

काजलगाव, 20 आगस्टः
हिमन्त बिश्व शर्मानि दैदेनायाव
बिजे पि आरो बेनि जुथाय
हान्जानि सुथाय सरकार 100
सान आबुं जानायनि लोब्बाजों
चिरां जिल्ला खुंथाया जिल्ला
सदर काजलगावआव थानाय
आबाद बिगियान मिरुनि
सावराय न'मायाव आसाम
सरकारनि थाद'नाय गैयै आगान
सुन्यायनि 100 सान आयदाखौ
लानानै मोनसे हाबाफारि
खुंफुंलाडो। चिरां जिल्ला
(□ 5 बिलाइआव)

मुसलपुरआव गोब्राव बेरामजों जुजिनाय उन्दै गथ'सानो गिबि मन्थि अनसुंथाय फुन्जिनिफराय मन्थिआ चेक गथायदों

बाक्सा, 21 आगस्टः बाक्सा
जिल्लानि मुसलपुरनि
साखाथियाव थानाय डुमनि
बाजार ओसोलनि सासे उन्दै
बैसोनि गथ'सानि फाहामथायनि
थाखाय दिनै राज्यो सरकारनि
मन्थि उखाव गोरा ब्रह्मआ से
लाख रानि चेकखौ गथायनानै
होयो। मख'नो गोनांदि उन्दै
बैसोयावनो मोनसे गोब्राव
बेरामजों भुगिनानै दं तनभि दास
मुनि 2 खावसे बोसोर बैसोनि
(□ 5 बिलाइआव)



ससेल मिडियाआव तालिबानखौ मदत खालामनायनि पुलिसआ सा 14 सुबुंफोरखौ हमबाय

गुवाहाटी, 21 आगस्टः आफगानिस्तानखौ तालिबान उतखारि
हान्जाया दखल खालामनायनि उनावनो भारतआव माखासे
तालिबान अनसुलाफोरा ससेल मिडियानि गेजेरजों मदत होनाया
उन समाव पुलिसनि नोजोराव गोमलैयो, जाउनाव ससेल
मिडियाआव तालिबानफोरखौ मदत होनायनि अजदआव सा 14
सुबुंफोरखौ दिनै पुलिसआ हमो। सासे पुलिस बिबानगिरिआ
फोरमायनाय बादिब्ला, आइन बेरेखायै बाहायनाय, आइटि नेमखाथि
आरो सिआरपिसिनि गुबुन गुबुन धारात्ति (□ 5 बिलाइआव)

सावसि मन्थिआ कभिडनि थासारिखौ लानानै खौरांगिरि मेल खुंदों

गुवाहाटी, 21 आगस्टः गुवाहाटी नोगोरमनि आथिखालाव
कभिडनि थासारिखौ लानानै सावसि मन्थि केसब महन्तआ
खौरांगिरि मेल खुंफुंलाडो। खौरांगिरि मेलाव सावसि मन्थिआ
माखासे गोनांथार बिबुंथि लाखियो। बिथाड बुडेदि मिस क'ल
खालामब्लानो गोमलैयो नो भेक्सिन मोननो हागोन। 31 आगस्टनि
गेजेराव गुवाहाटीनि थागिबिफोरसो (□ 5 बिलाइआव)

छ'भलिन®
एन्टिपेप्टिक क्रीम
आरो
इमलियोन्ट

गोजों आरो रिलम बिगुरिनि थाखाय

NERIM
Your Academic Home
Estd. 1992

GROUP OF INSTITUTIONS
Affiliated to Dibrugarh University, Gauhati University & ASTU
Approved by NCTE, BCI & AICTE, MoE, Govt. of India

Admissions Open For Session 2021-22

BBA | BCA | B.Com(H)
BA LLB(H) | BSW | LLB(H)

MBA(FT) | MBA(PT) | MCA | MSW
M.Com | LLM | PGDM
PGDCA | MA (Applied Psychology)
M.Sc (Computer Science) | MA (Education)

KEY FEATURES:
• Assured Placement Assistance • Complimentary Laptops to MBA, MCA and PGDM students • Air Conditioned Smart Classrooms and Computing Labs • Free Corporate Suit and Course Pack to all the students
• Enriched Library with e-Library facilities • Complimentary Diploma in Computer Applications (DCA) • Educational Loan Assistance • Wi-Fi enabled campus • Hostel facility for Girls (in campus) & Boys • Health care arrangements and Accidental Medical Assistance.

For details, visit our website www.nerimindia.org
or contact Admission Counsellor on
9954190758 / 9954051419 / 9864750000

Prof. (Dr) Sangeeta Tripathi, Director, NERIM Group of Institutions
Jayanagar, Khanapara, Guwahati, Assam, Pin-781022
nerimindia@gmail.com

सुजुगिरिनि खोलोम

मैखुनि गोनाथि आरो मुलाम्फायारी आबाद

मैखुना सुबुं देहानि थाखाय गोनां बेसात । मैंग हारिनि बे मैखुनाय गोबां बिबानि प्रटिन, भिटाभिन बाइदि बेसातजों आबुं थानायखायनो मैखुना गासै थाखोनि थाखाय बाहाय जानो हाथाव । सुबुं देहायाव नानाय गोनां मुवाफोरनि गेजेराव मैखुनि बान्जायनाया बयनिखुइबो सिगां होन्नानै बुंनंगोन । मैखुना बर'फोरनि जाथोसे मोजां मैंग । अदेबानि सम सम मैखुन जानानै मानसि थैनाया आथिखालाव आसामनि थाखाय गोदान खौरां नलिया । जाग्राया जादों मिथिनानैबो-थेप्रायाबो थैयो जानानै गाव मिबथिसाब्ला जासे । खौरांबो ओंखारफलायो मैखुन जानानै थैनाय । अब्लाबो नागारा मैखुनि हाबिला । नाथाय खोनाफेरे, जाफेरे जाथायबो जानानै फेयो साम' जानानै थैनायनिबो खौरां ।

जाथाया मुजिथाव खहाबगोनां आरो गिखंथावबो जानानै फेयो बर'फोरनि थाखाय । गामिल' नडा टाउन-सहर जेरावबो गोसारदलानानै थानाय बर'फ्रा जगार खालामनानैब्लाबो बोथिसे साम'-सबाय, साम'-अनद्लानि ओंखि आरो मैखुन-अनद्ला, एउनाय, मैखुन-मैथा, अमा-मैखुनि लान्रा जानाया आथिखालनिल' बाश्रा नडा, गोदो गोदाय आजै-आजोमोननि समनिफ्रायनो बर'फ्रा बे थाखोनि मैंग-थायगं जाबोदों आरो जागासिनोबो थायो । नाथाय खैफोदनि बाश्राया जाहैदों-बेखौ सिनाइनानै जानो रोडैयाव । मैखुन जानो मोजां मोनोब्लाबो बर'फ्रा गोनोखो आदबजों बाडाइ सम आरो बाडाइ खरसा गारनानै मैखुन आबाद खालामनानै जानायाव नाथाय दैलो । आथिखालाव जायगा लायै जायगा मैखुन आबाद खालामनानै फालागि खालामनो एबा जानो थाखाय बिफानारीनि जोहै जोलै बेगर बुधुमनानै बे आबादखौ मावनायनि गोरलै खाबु आरो राहा दसै । जोनि बि टि सि हालामनि दाब-दाब जायगाजों लोकोसे गसाइगावआव दुलाराय बर' आबादारि आफातनि बान्जायनायाव मैखुन बेगर दिहुन्नायनि थाखाय लेबरेटरीनि गेजेरजों मैखुन फसंबाय । बे लेबरेटरी जोलेखौ एग्रे-बाग्रे मोनफुनो हासिगोन । बेनि गेजेरजोंनो-मैखुन आबाद दिखानानै बेनि आंखाल फोलोमनायजों लोकोसे फालागियारी बिथिडेबो आबाद दैखानो गोरलै जानानै फेबाय । बेफोर आदबनि गेजेरजोंबो नानाइसेबां मैखुन दिहुन्ना नै गावनि नांगौखौ फोलोमनायजों लोकोसे गुबुनफोरनोबो फालागियारी आदबै मैखुनि साहिदाखौ सुफुंनो हायोब्ला रांखावरी फासैबो एफा एनै हुंखा फोलोमनो हागौं आरो गिनांगौबो थाहैनाय नडा 10

दिनैनि फानजायमुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** रंजानाय-बाजानायजों समखौ हगार हस्नो हागोन । फारफोमथिबो मोजां ।
- वृष:** आन्दायलायनाय लोकोखौ मोनफिनो हागोन । गोसोखौ गोजोन मोनोगन । मोजां सान ।
- मिथुन:** मावनो लानाय खामानियाव गुलुं-गुजुं नुजानो हागौ । सानै-हयै मावनांगोन । सांग्रां जा ।
- कर्कट:** मानिबा दायआव सोरजोंबा सुथुर जालायनो हागौ । जैरेबो सांग्रां जानानै थानांगोन ।
- सिंह:** बेपार-फालागि मावनायाव मुलाम्फा खालामनो हागोन । सम आरो बोथोर ओरैनो दाहगार ।
- कन्या:** जेखि मावा गोसोखौ गोजोन मोनगोन । सान्नायफ्रा जाफुंनो हागौ । मोजां सान ।
- तुला:** सुथुरफोर माबाफोर जेनायाव खोखलैनो हागौ । जेथिबो सुथुरआ बांलांनो हागौ । सांग्राडै थानांगोन ।
- बृश्चक:** बहाबाफोर थानायाव सोरजोंबा आन्दायलायनाय जानो हागौ । सांग्रां जानांगोन ।
- धनु:** दिनैनि दिना मोजां दिन । जेखि मावा मावनानै लानो हागोन । मोजां सान ।
- मकर:** बायदिसिना होन्नानै बांसाव जानो हागौ । गोसोखौ हमथानानै थानांगोन ।
- कुम्भ:** नख'शव सुखुनि बार बारगोन । फारफोमबो जोगानाय फेनो हागौ । मोजां सान ।
- मीन:** मानिबा जाहोनाव सोरजोंबा सोमोन्दो नागारलायनाय जानो हागौ । गोसो हमथानाया गाहाम ।

सुंद' सल'

जनिल कुमार ब्रह्म

मानिबा हावा लानानै एदिनखालि साराइबिलोयाव थानांगौ जादोंमोन आंहा । मावनो गोनां हाबाखौ थिमथाम मावखानानै अखा नायै फु डवनो साराइबिलोनिफ्राय बडाइगासिम फेनाय फाष्टथिफ पाब्लिक बासखौ हमफिनो हादोंमोन । बास सिडाव आथि होनो जायगा मोनलायै मानसिनि बिहिर । एरसो-एरसा खालामना खुनुरुखुम हां थोनो थोनो आंबो गाखोनो हा बावाय बासनि सिडाव । मानसिफ्रा बुंदों सानफायाव गंफा गनैल' बास खारो सिंनि बे लामाजों । बिब्दिब्ला मानसिफ्रा मालाय मानो बिहिर जाया जानो । बयहाबोथ' मोनफा मोनफा मावनो गोनां इयुनाव माखौ होबावगोन । वृटिश आमोलाव जैरे नुदों एसेबो गुस्तायनाय नुनो मोनाखै । आफोद आफोद । हाव हाव गोलोमनाय अंखि अंला मोनामनायजों दिउ दिउ रागा जोंनो ओंखारदों आं असमीया सोरकारखौ । इसेबां गोबावनिफ्रायनो रिजार्ब बेंना राइजो जाबोनाय बे ओनसोलनि राइजो राजाफ्रा इयुनाव माखौथो मोनानयनि मिजिक थाबावनो हागौ ? गोसो सिडाव दोहो दोहो खामगिलनाय रागा जोंबोना माब्ला कसुगाव हाटआव मोनफेनाय लोको लोको बयबो ओंखारनो लामा नागिरनायनि दुहुम जायो । नै बे थफलाया लार्थ' हगार थाब ओंखार, मानो लामायाव थाथेखो बाइदि, उखुम सांनि पेसेन्जारफ्रानो मटर उन्थिजाय ओंखारनो हमो । लोको लोको बासनि सिडाव मानसिनि बिहिरा गेसं जायो । थेवबो साफा सानैया गसं बावनांदोंमोन । आंनिया खाफाला मोजां बि समाव फिथेव बायनो फेनाय सासे गंगार बोराया आंनि खाथिनिफ्रायनो दुफुं सिखारना अंखारलाडो । बिथानि जायगाखौनो आंबो थाबनो आवग्रिना लायो ।

उर.... बेफ, बेफ.... । दसे उनाव हगारफिनबाय मटरा । गंगार बोराय जिरायबोनाय खिरखि खाथिनि जायगायाव जिरायनो मोन्नानै एसे आरामखौनो मोन्दों आं । सार । इबिलोनिफ्राय कसुगावसिम फेनायाव जि बादि जालायै फेनांदोंमोन दा बिब्दि नलिया । फिसनि राजा लामा । बाज्जनाय बारा गैलिया । जेनिबो थगिदा गैया, हुर हुर गोथोडैखलांनो हमो । बाइहानि गोजोन बारा खिरखिजों स' स' बाररलाय लाडो । आगोलाव हाव हाव मोन्नाय, अंखि अंला मोनामनायनिफ्राय दसेनि थाखाय गोजोन, स्रां मोनो । नाथाय आंनि सिगांनि चिटआव जनानै थानाय सासे गस्ला गामसा हांगार नांफवनाय गं-ग्रं-ग्रं बोराया साल बिलाइजों थोखु आलुया लानानै सोबनो हमबाय । सोबनानै उखुन्दै हगारोब्ला आंनि गन्थडावनो सिगां एडमिसन लाग्रोनानैसो एयार पास जालाडो । अनागारीयाखौ... ! नों लेखा रोंनायमोनब्ला बै मथरनि एन्जुराव लिरनाय स्मिक इस इनजुरियास तु हेल्ड होन्नाय शोदोबखौ लाना फेसे दाद्रि

अरननि दाहा

होगौमोन आं नोंखौ सि... ! गोसोजों गोसो सानखोमायो आं । आंनि गन्थ हमथेबाय थानायखौ नुनानै बोरायनि खाथियाव जफानाय सासे बर' हिन्जावखौ जोबोद साबाइखर होदोंमोन आं गोसोजों गोसो । थेवबो खौदें नानाय गुदिसिम सोबनानैसो आथिजों हुफलेना गारदों बोराया थोखौ । रैखा आं सानो दसे उनाव आंनिथिं खर खर नाइहरबाय थायो बियो । माब्लाबानो मथरा बिसमुरीयाव लाखिफेयो । नौ नोगोराव थानायनि थांखि दं जेब्ला आंहाबो बहायनो ओंखारनांगौ जायो । लोको लोको आखायाव सिखा रुवा लानाय गोबां मानसिफोरबो ओंखार फेयो बिशमुरीयाव । बिसोरनि गेजेराव सावताल, नेपाल, बर' आरो गोबां गलाइ मोनदेर हारीनि मानसिफोर दमोन ।

आंनि सिगाडाव जिरायनाय बै बोराय बुरि बर' सानैयाबो बेवहायनो ओंखार फेदों । नौ- नोगोरसिम मिथिनो हांखुर जाबाय आं सिरि सिरि । मटरनिफ्राय ओंखारनाय मानसिफोरनि गेजेराव बै सानैयादि खस' बर' बेखौ आं दुबगाडै सान्ना लाबाय । बिनिखायनो खाथियाव थानानै बर' रावजोंनो सोडो आं । नौ- नोगोराव थानाय पाब्लिक बासा बेसेबां बाजियाव फेगोन ? बे लामाजों सानफायाव गंवेसे बास खारो अन्नानै खिन्थागोनदा ? दुखुजों फिनो बर' थाग्रा जायगाफ्रबलाय गारी मथरनि लान्जायखौनो नुनो मोना । गेजेरनिफ्राय सासे बर'नि राव राइलाइनो गोरों सावताल मानसिया बुंहरो- मैयाथ' खुनु बास खारखेमोन । दिनैसो खारो नामा ? जाम्बा जाम्बिनिफ्राय लेखा गोरोंसिम गोलेसोना थानाय ट्राइबेल हारीनि सायाव सोरकारा जौगानायनि बिथिं बिसिबां नोजोरहोनो हाखो आरो माब्ला समाव बेफोर जायगाफ्रा साबसांगोन ।

सुंद' सल'

अनिल कुमार ब्रह्म

अखा नायसि थफेना मोनसे आरजाथारै सिमां नुदोंमोन । खोमसि हर गेजेराव बियो बवेबा मोनसे गुदु हाग्रा गेजेरजों थॉफेरदोंमोन । ओजों-हजों फेसा गाबनाय, सियाल हबानाया खोमसि हरखौ गिथावसिन खालामदों । थेवबो बियो आवगाय लांदों । लामा ससेआव मोनसे दन्दर लामाजों एरसोलावदों गोथौनिफ्राय गोथौसिनाव । एसेआवनो मोनसे सोदोबनि रिंखानाया बिखौ बाग्दाव होयो । बियो गोजांफ्रिउ मोनो । थादब्ला सोरबा हिनजावनि दुखु गोनां गाबनाया रिसारो, नोंसोर आंखौ निमाहा हो । दाय आंनि नडा, मानोना आं ईस्वोरनि फिसा नडा । नोंसोर ईस्वोरनि फिसा । आंखौ रैखा खालाम । बे गुदु हाग्रायाव, खोमसि हर गेजेराव सोर जाखो हिनजावा, सोर गाबखो ? गाबनाय जायगाथिं नायस' हैब्ला बिनि मोगन नोजोराव गोगलैनायसै सासे हिनजाव दिदंदां फासि नानाय । एसेयावनो

साफ्रोमबो सुबुनि गोसोआव सान्श्रहायै मिजिंनि थफला । एसेयाव सासे नेपालिया बर'नि रावजों बुंहरबावयो । आन्दलना जरदार जानायब्लासो हामथागोमोनलै आदा । बिब्दि नडाब्ला सरकारा जोंखौ मोजां मेगनै नायनाय नलिया सालाफ्रा । आरो बुजिनो बाकी थायाखिसै आं बर'नि आलादा हादोर बिनाय सोमावसारनायखौदि बर' हारिनि अनगायै गुबुन हारियाबोदि मोजां मोनो आरो सिंजोंसिं मदद होयो बियो थार बाश्रा ।

राजा लामानिफ्राय एसे गोजान आगान सुरलानानै गंसे बर'नि साहा गला लोको मोनहैदों । जग्रेब ग्रेब थुरनि न' । साहाजों लोकोसे गयबो दोनफायो गला दारा । खान्दिसे गय जानानै खाथिनि साल मुरायाव जग्रांना थायो आं । मथर सायाव फेफनाय बर' बोराया फिलं फलां थांलाय फेलाय खालामबाय थायो । नोंथाडा बवेनि जाखो ? आं सोडो बोरायखौ । ताराइबारिनि बोरायआ फिनो । ताराइबारिनि मानसिया बेउहाय मानोथो ? आं सोंफिनो । बाश्राखौ बारा गोलाव रायज्जलायनो गोसो गैयामोन आंहा । नाथाय जायजोंखि राइज्जलाइया सिं सा गासिबो थिम थाम मिथिजोबनो लुबेनाया अरायबो आंनि गात्रि हुदा । मालाय जायखि जाया, जेखि मावया सिंआव एल' एला सोंनो आंहा मा गोदोंनि गोलैयोथाय । थेवबो गोसोखौ दबथायनो हायैलाय सोथारबावयो आं नोंथाडा हासिडैल ना सोरबा लोको दंबावो । बोराया फिनदों आं आरो नैबे आंनि हिन्जाव । लोकोसे आंजों फेफानाय सावताल, नेपालफोरबो दं । आरो थि खिन्थाग्रनो हाया बाबु । सोर सोर बवे जायगानिफ्राय हाग्रा एवफेयोथाय । सानजौफु समाव रिजाबाव फुजा-मैला जानो

फेनाय बादि मानसिनि बिहिर जायो । हाग्राखौ एवसे एवनानै मोनाबिलिनि समाव खायफया बन, खायफाबा बंफां सावनाय हांगारखौ बस्तायाव सोनानै कक्राझार नडाबा बडाइगाव टाउनाव लहा दाग्रा, सना दाग्रा बानीयाफोरनो फानहै यो, बिजोंनो माइरं दैरं लाबोना खुनुमोथै जीउ खांसाबो । बिब्दि आखलब्ला दा बावयैनो बे रिजाबा सयहांगार जासिगोन बाबु । एसेयावनो सोरनिबा ट्राक गंसे फेदों । बेजोंनो थानो बाबु बासखौ लामा दानायसै । आंखौ अन्नानै बुंनाय बोरायनि राव । नंगो होन्नानै द्राइशरखौ आखाय खोन्थाहरो आं । द्राइशरनि अन्नायाव ट्राकखौ गाखोनो मोनलांमारसै । थाबथा थुबथा गैया जासे ट्राकआ खारलानो हमो । बोरायनि सयहांगार शोदोबखौ ट्राक सिडावनो गोसोखानानै रागा जोंनो अंखारदोंमोन आं ।

बे रिजाबखौ इसिग्राब अनदोंब्ला नों मानोथो पाप गयै आजोला बंफां-लाइफांखौ एवसांफेदों ? मिथिगा बिखानि समाइना बंफां लाइफांखौ एवसांनो नोंहा मा राइट दं । ना नों गायदों बे बंफां लाइफांफोरखौ । गोलेरनि मोदें गपलानायखौनो आं... । खैरोम दैरोम रागा जोंफुनाय बहरावनो द्राइशर बाबुआ सोंदें-बाबुया बवेसिम थानो ? नौ -नोगोरसिम आं फिनो । नोंथांआलाय ? आं सोंफिनो । द्राइशर हांमा गोलाव सुरनानै बुंफिनो- मा खालामनो बाबु रिजाबाव महाजोननि नै नम्बर माल लायनांगौ । द्राइशरनि बिब्दि रावखौ खोनानै गोसो सिडावनि दोहो दोहो अर जौनायाव धिउ लुनाय बादि मोनो आं । ट्राकआ रासिननिफ्राय रासिन खारनो हमो । बे लामाजों सैमा खरा हाबजायै खोमसि हाग्राया नुलांदोंमोन बै समाव । सम सम मैदेरबो नुजायो होन्ना द्राइशरखौ गोबांरै सालायनो थिननायखौ आंहा दाबो गोसोयाव दं । सानै साथाम मानपिजों आखाय जेरायलायनानै हमस'ब्लाबो हमसोनो हायै गिरु बारु गिदिर गिदिर बंफां दडमोन । नाथाय

दिनै नुफेनाय बादिब्ला बै पिकनिक जानो फेनाय दिनजों आकाश पाताल फाराक । बोरायनि सयहांगार बुंनाय रावा नोंथारगौ । बिशमुरिनिफ्राय नौ- नोगोरसिम थानाय लामाया आगसि आगदा फारनैथिंबो गोदोनिबाइदि खोमसि दरसि हाग्रायाया गैलिया, जाय जैरं रंगौ एरै एवसांनो हा आवग्रिनायनि दुहुम । दा बावैनो सयहांगार जामारसिगोन । थंफा थंनै बंफां मुरा गैयामोनब्ला बे जायगाया माब्लाबाबो रिजाव मोन होन्ना बुंनो रावहाबो सायदो गैलियामोन । माब्लाबानो नौ- नोगोर मोनफेदों ट्राकआ । ट्राक द्राइशरजों बिदाय लालायना गोदोनि बर' राजा सिखना जोहोलावनि राइजो उल्थापानिथिं मोखां जालाडो आं । नौ-नोगोरनि फासैथिं दहला रुबैयाव दसे जिरायना लायो आं थरसे अन्थाइ थाफानि सोलेरखौ दरसेनि थाखाय सुलाय होयो । निजोम निराला बर'नि जारिमिन थिलि नौ-नोगोराबो जोबसांगोना बावलिया समयना मिथिगानि बिफां लाइफांफोरखौ एवसांनयनि फारि लाहांबाय । बिब्दि आखलब्ला बर'नि जारिमिनारी नेशॉनथिलि बे नौ- नोगोरा बेसे गोबाव थाबावगोन दालाय ? हारिनि अलखदखौ नुनानैबो नुयैबादि सि थानायावनो बर'नि मुंदांखा डिमापुर, माइबां, खासपुर बायदि राजउलाफादफ्रा गोमोरलांदों । बेफोरबादि जारिमिन नेशॉनफ्रा गोमोरलाडोब्ला बिनि दायआ सोरनि । गावनि हारिहा गसंथानो हानायनि लामा गैयाब्ला मालाय हारिया बहाथो फोथाना लाखिनो गुबुन हारिनि नेशॉनखौलाय । बे हाग्रायाव सोर थायो ? सोरनि बे हाग्रायालाय ? नौनि ना आंनि ? सुजुग मोन्दों होन्नानै बे हाग्राखौ एवसांजोब्ला बेनि खहाया इयुनाव सोरनि जागोन ? सरकारनि ना नौनि ? सरकारालाय मा ? गोजाम सरकारा थॉगोन गोदान सरकार फे लायगोन । हाग्रायायाथ सरकारनिल' नयालाय । राइजो नडाब्ला सरकारा बवेनिफ्राय उजिबोयो ? मानसिनि राइजो जानायाव अखा नायबानो हाग्रा

नडाब्लानो राहा गैया, रायदों बेन्दों बिफां लाइफां बिलाइ, बिबार रोदा, बेदर, औवा, थाराय गैयाब्ला बन, लाइ, न' बां बार, दै, आदार, खसाब, अक्सिजेन, नाइट्रजेन, बहा मोनो ? मानसिया माजों थानानै थानो ? अरनबारीनि खारोखा रोदा, बागनाला बिगुर, गिला फिथाय, बायै लाइश्री बिलाइ, मैखुन बेफोरबादि गोनां बेसाद नडाब्ला बेगानीकफ्रा माजोंथो मुली दिहुन्नोमोन ? मुली गैयामोनब्ला सुबुंहा लोमजा साजा जायोब्ला माजों फाहामनोमोन । हाग्रा नडाब्ला सुबुं समाजनि हारीमु सोदोमश्रीया अरायबो खहा थागोन । बे बाश्राखौ बुजिनानैबो बुजियैबादि जानाय नडाथ ? नौ-नोगोरनि अन्थाय थाफायाव जनानै जोबलांनो हमनाय अरननि निदानखौ गोबां गुलाइ- गुजाइ बाश्रा सानखोबाय थायो आं । नाथाय गुदि गयै बिजौ गयै बिब्दि बाश्रानि थिनायखौ सोर होलायखो । गाव गावनो थिक नडाब्ला सरकारखौल' सोंखारिबाय थायोब्लाखि अरन थाना थायो होमब्ला । बिनिखायनो मिटिं दावथिडव लेकसाह होनाय हुदा दमोनब्ला उर सोमथारनानै माइकनि बिबारजों हन्ना हन्ना बुंगौमोन आं... । राइजो राजाफोर नोंथांमोनहा अरन जाहारखौ एवसांनय लोको लोको दैमा, दैसानि दैफ्रा रानलांनो हमबाय । गोदोनि रुंजों समान उसिनय दैसा खर'नि नाला निजोराफ्रा गोथेजोबनो हमबाय । गोदोनि रुंजों समान उसिना, दिमोल थानाय दैमा-दैसानि दैफ्रा दिनै आग्रोमखौनो लोमलिया । मै, अमा, ना, बेदत, सामु खोन्थाइनि आंखाल जाबाय । एंखावरि रायदोंबारी नुनो मोनलिया । गोदो गोदाय एंखोर नयाब्ला एन्जुर दुमैया दिनै फाथो सेरनाजोंसो एन्जुर दुमसै । राइदोंनि बदलै गुनाजोंसो संग्राय सानदि खावसै । चिन्नाय बनलाइ, लावथि मैंगफोरखौबो मोनो थालिया । आरोथ' आंखालनि सम फेबावयावखै, जिदिनाव सुबुंजु गावजोंगाव बेदर जानो होसोलायगोन । बिखा सौनानै बुंथारो आं... सयथिबो ।

फोरमायै सिमां

बियो सिरि मोनदों । नुफेरा-नुफेरा मैया-मैया सिमां । गुदि गैया खिथा गैया मा ईस्वोरनि फिसा, ईस्वोरनि फिसा:सोर मानसिनि फिसा, सोर ईस्वोरनि फिसा ? खैदांफोरसो जाबायगोन नामा ? दा बेलासियाव खिन्था नांगौ जाबाय सिमांनि बाश्राखौ बिथां जयन्तनो । मा सानगोन बि ? हु-हा मिनिगोन ? नाथाय जयन्तखौ मखब्लानो थफेननि गोसोआव अनजालिनि सावगांरि आ जखफेयो । दासांदि सानैखौ लानानै गोबां सल' ओंखारदों जे जायगायाव । जयन्त आरो अनजालि, अनजालि आरो जयन्त । जुलि जाबाय बायोब्ला समयथारगोनबो सानैजों ।

खालामबाय थाग्रायाव थाबनो जयन्तजों सिनायज्जलायदों । बाडाय समनि गेजेरावनो सोमोन्दो गोनां जालांदों । गुलि-गुलि । गाव सावसुब खुगा गेबें खायनो बियो हीवा हिनजाव, बोराय बुरै बयजोंबो गोमोन जानो हायो । बेखायनो संसाराव जानाय जाथायफोरनि गोबांफ्राबो बिनि खोमा फारनैआव थोंजोंनो हाबफेयो । आरो अनजालिआ गामिसेनि गोजानै खुरमा जानाय सोमोन्दोआव गावनि बिनानाव । देगलाय जि थाखोआव फरायो । बेखौनो तिउसन लादोंमोन जयन्तआ सानखांन्थिआव । गावनो रायज्जलायना थिग खालामदों । नायनो मोजां सेंग्रा जयन्तआ एसे गोमोथाव आखुनि । गोमजोर । खोथा खम बुडो । जि बुडो थार बुहो । खोथा फसेनि मानसि जयन्तआ । बिनि रायनाय, फाव- फेसनफ्रा हिर' एबा एक्टर बायदि होन्ना फरायसाफ्रा बुडो । हिनजावआ सोर जाथावगौ अंक' खालामना

नायो । फिनखोआव मोनो थाखोसेआव फरायजावनाय अनजालि । जाहोना, बिखोजे जयन्तआ हासिडै तिउसन लायो । फरायसुलिफ्रा । बेबायदि सावरायनायाव आगानसे बाराबाव । बिसोर बुडो-अरनि खाथियाव धि आ आवलि खागोन । अनजालिनि जि खै सानाय ? तिउसन लानानै फरायनायाव लथ' प्रिपेयार्ड जाना थाब्ला जानाय नडा, लोकोसे लाईफ केरियाराबो मजबुत जाफानांगोन । बि.एच.चि. (अनारच) । हेन्दसाम । दा माफ्तर माला मा जानो ? फिउचाराथ' दड । खाफाल-हाय खाफाल ! अनजालिनि जि खाफाल । बेबायदि सेंग्रा मोनोब्ला दा बायदियाव फरायनायखौ ज्राव गारनानै खारसन हैसिगौ आं । फाफआवबो रहस्य हाब्बायमोन । दिनै तिउसन दं होनब्लाबो साफा-साने फोरोंगिरिफ्रा मिनिफुं होगारनायखौ थफेनहा नोजोर दं । नाला मोनाब्ला खौराडा एरैनोबो बिरफुडा । अनजालिआ गावनो बुनानै लादों ।

बेलासियाव । मा नोंथां, माफ्तर बाबु, मा खबर ? माफ्तर मानसिया मा खबर थाबवनो ? बेनोसै, जानाय-लौनाय आर थालाय-फैलाय । मानो ? बे लाभ-लसनि बाश्रायालाय ? माथो नोंथांनि सांनि बिमा बिफाया नोंखौनो खोब अनसो गारोनो ? अनोथ' अनो । नाथाय जायनिफ्राय मोनांगौ बिनिफ्राय अन्नाय मोनाब्ला अनजानायनि बेसेना बहा ? आरो बावदा ! फिसानि खाथिराव बिमानि गोदों । बिमानि गोसोखौ गलि होनो हाबायब्ला, फिसाखौ आरो मा बोलो ? फिसाआ बिमानि आफाखिसो । आफकर्स । नंद्रायै नडा नौनि आर्गुमेन्तआ । नाथाय खाफाल दाखुरा जों । जोंखि अनजालि बायदि सिस्त्वानि सेराव गसंदेरफानो समायो ? मालाय इयुन दं, कलेज फरायगोन, डाक्टर-ईन्जिनियर-अफिसार फिसाय मोनगोन । दोन-दोन नोंथांनि खोथाया ।

भारतआ थाबैनो गोदान भेक्सिनखौ मोनसिगोन

गोदान दिल्ली, 21 आगस्ट : सीरम इनस्टिट्यूट अफ इन्डिया गावनि कभभेक्सि भेक्सिनखौ डाब्लिउएचअ (हु)नि गनायथि मोनहोनो थाखाय आर'ज गाबदोमोन। जायखौ डाब्लिउएचअ गनायदों। बेनि सिगां 10 आगस्टआव सीरम इनस्टिट्यूट अफ इन्डिया आरो डाब्लिउएचअनि गेजेराव प्रि साबमिसन जथुमायाबो जाखांबाय। डाब्लिउएचअनि बायदिब्ला आगस्टनि दानआवनो सीरम इनस्टिट्यूट अफ इन्डियाआ गावनि कभभेक्सि भेक्सिननि आन्जाद नायनायनि डाटाखौ डाब्लिउएचअनो गथायगोन। जायनि उनाव भेक्सिनखौ गनायथि होनायाव डाब्लिउएचअ थांखि लागोन। भेक्सिननि गनायथि मोन्नाय लोगो लोगोनो



कम्पनीआ बेखौ सुबुंफोरिनसम दैथायहरगोन। मख'नो गोनादि, सीरम इनस्टिट्यूट अफ इन्डियानि सिइअ धार पुनाबालाया बावैसो समाव कभभेक्सिन सायाव बाथा बुंनानै फोरमायदोंमोनदि, हादतनि भेक्सिन कभभेक्सिनखौ कम्पनीया एडल्टनि थाखाय अक्टबरसिम आरो गथ'फोरनि

थाखाय 2022 नि3 दानआवलन्स खालामनो हागौ। डाब्लिउएचअनि बायदिब्ला हादतनि भेक्सिन कभभेक्सिननि थाखाय भारत बायटेकनि फारसे गथायनाय डाटानि एसेसमेन्टखौ आथिखालाव फोसावबाय। डाब्लिउएचअ थाबैनो कभभेक्सिनखौ गनायथि होनायाव जोबथा थांखि लानो

हागौ। कभेक्सिननि उनाव कभभेक्सिआ 3थिभारत बानायनाय भेक्सिन जागोन, जाय डाब्लिउएचअनि फारसे गनायथि मोन्नायनि बादायलायनायाव दड। फारसिंथि भारत बानायनाय कभिशोल्ड भेक्सिनखौ डाब्लिउएचअया सिगाडवनो गनायथि होखांबाय। मख'नो गोनादि, भारतआव दासिमाव गासै 57 कौटि भेक्सिन थुनाय जालांबाय। भेक्सिन थुनायनि केसआव उत्तर प्रदेशआ गिबि नाम्बराव दड।

भारतआव थानाय 24 घन्टायाव सा 36,248 सुबुंनि देहायाव गोदानै करनानि लोक्षोन, दासिमाव 57.61 कौटि सुबुंनि देहायाव करना भेक्सिन थुबाय

गोदान दिल्ली, 21 आगस्ट: भारतआव थानाय 24 घन्टायाव सा 34,288 सुबुंनि देहायाव करना सन्देरजानाय लोक्षोन मोन्दों आरो सा 36,248 सुबुंनि करनानिफ्राय मोजां जादों। लोगोसे सा 376 सुबुंनि करनानिफ्राय मोजां जादों। लोगोसे सा 376 सुबुंनि जिउ गोमादों। 11 साननि उनाव हादतआव करनानि जिउ गोमानायनि हारा खमायदों। थानाय 24 घन्टायाव करनानि जिउ गोमानायखौ लानानै भारतआव दासिमाव सा 4.33 लाखनिबो बांसिन सुबुंनि करनानि जिउ गोमाबाय। हादतनि राजथावनि दिल्लीयाव थानाय 24 घन्टायाव सा 57 सुबुंनि देहायाव करना सन्देरजानायनि लोक्षोन मोन्दों। हादतनि दर 8 राइज्योफोर 1 फारिथै सोनाब बंग', हिमाचल प्रदेश, झारखान्ड, अरिष्या, तामिलनाडु, मिजराव, गवा आरो पुडुचेरियाव दासिमबो आबु लकडाउन बायदि होबथानाय नेमखास्थिया दं। हादतनि दर 23 राइज्योफोर



झारखान्ड, अरिष्या, तामिलनाडु, मिजराव, गवा आरो पुडुचेरियाव दासिमबो आबु लकडाउन बायदि होबथानाय नेमखास्थिया दं। हादतनि दर 23 राइज्योफोर

खावसेल' सोलिफु बोसोरनि 16 जानुवारीनिफ्राय करना भेक्सिननि थुनाय अभियानआ सोलिना फैनायनि उनाव दासिमाव 57.61 कौटि सुबुंनि देहायाव करना

भेक्सिननि डूपखौ थुबाय। थानाय 24 घन्टायाव सा 36,36,043 सुबुंनि देहायाव करनानि डूपखौ थुदों जायनि 26,57,302 आ गिबि आरो 9,78,741 आ नैथि डूप।

करनानि थामथि दोहौआ माल्ला फैगोन बेखौ फोरमायनो हाया : देहा मन्थि



गोदान दिल्ली, 21 आगस्ट : मिरु देहा मन्थि मनसुख मान्डबियाआ बुंदों भारतआव करनानि थामथि दोहौआ माल्ला फैगोन, बेखौ मोजाडे बुंनो हाया। बेबादि जेनाजों जुजिनो थाखाय फुरायै थियाथि खालामनाय जाबाय। सरकारआ बेनि थाखाय देहा फाहामसालियाव थोजासे बिबानि बेड आरो मुलिफोरखौ जगायना होगोन। मान्डबियाआ गुजरातआव करना भेक्सिन

थुनाया गोखै जानायाव गोजोन्याय मोन्नाय फोरमायदों आरो बुंदोंदि, सानफ्रामबो 5 लाख डूपखौ होनाय जादों। गासै भेक्सिन थुनायनि अन्जिमाआ 4 कौटिनिफ्राय बांसिन जाबाय। हादतआव करना इनफेक्सननि बांनय-खमायनायआ सोलिबाय थादों। थानाय 24 घन्टायाव करनानि 35,571 गोदान के सखौ थिसन्नाय जादों। बे समाव सा 540 सुबुंफोरनि जिउया

गोमादों। करनानि सानफ्रामबो थैनाय सुबुंफोरनि अन्जिमाया बांदों। थानाय माखासे सानफोरनिफ्राय बे अन्जिमाया 530 नि खाथियाव थादों। सा 36.740 इनफेक्सन जानाय बेरामिफोरा गाहामबो जादों। आथिखालाव इनफेक्सन जानाय बेरामिफोरनि अन्जिमाया 3 लाख 63 हजार जादों। जाय 150 सानफोराव बयनिखुइबो खमसिन। आइसिएमआरनि बादिब्ला, 19 आगस्टआव 18 लाख 86 हजार 271 सुबुंफोरनि करनानि नायबिजिनराय जादों। देहा मावख'नि बादिब्ला करनानि गाहाम जानायनि बिबाड 97.54 जौखोन्दो। बेनि सिगां करनानि 34,401 गोदान केसखौ थिसन्नाय जादोंमोन आरो सा 530 सुबुंफोरनि जिउआ गोमादों।

चीननि गेजेरजों आयेन बेरेखायै भारतआव सिगारेटखौ लाबोनाय जायो



गोदान दिल्ली, 21 आगस्ट : हादतआव थांखुनि हेंथायै गोखौ आयेन बानायनाय कटपा'नि उनाव आयेन बेरेखायै सिगारेटखौ खावनाया बांदों। सुलुंनि बादिब्ला चीन आरो

इन्डनेसियानिफ्राय गोबां सिगारेटखौ आयेननि बेरेखायै भारतआव लाबोनाय जादों। बांसिन सिगारेटआ सा-सान्जानि राइज्योफोरनि सिमाफोरनि गेजेरजों भारतआव लाबोनाय


जादों। हमदांन लानाय जादों बेजों सरकारना बोसोफ्रामबो 15-20 हजार कौटि राडा ख'हा जादों। सानसे सिगां

आसाम राइफलआ मिज'राम सिमनाआव 6.5 कौटि रानि आयेन बेरेखा सिगारेटखौ जब्द खालामदों, जायखौ म्यानमार्नि गेजेरजों भारतआव लाबोनाय जादोंमोन। मोनसे रिपर्टनि बादिब्ला, 4 बाहागो 1 सिगारेटखौ आयेननि बेरेखायै फान्नाय जायो। बोसोफ्रामबो 28 लाख सिगारेटखौ आयेननि बेरेखायै भारतनि बाजारआव फान्नाय जादों। भारतआ आयेननि बेरेखायै सिगारेट फान्नायनि ब्रैथि गिदिर बाजार जाबाय। थानाय 10 बोसोराव भारतआव आयेन बेरेखायै सिगारेट फान्नाया ने गुन बांदों।

10 बोसोर सिगांनो कटपा आयेनखौ गनायथि होनाय जादोंमोन। आयेन बेरेखायै सिगारेटखौ जाय हादतआव बानायनाय जायो, बेवहायबो बेनि सायाव टेक्स खावनाय जायो आरो आयेन बेरेखायै बेखौ हादतआव लाबोनाय जायो। बेनि थाखायनो खम बेसेनाव बेखौ सुबुंफोरनो जगायना होनाय जायो। हादतआव बानायनाय बेसेन खम सिगारेटखौबो 200 रानिफ्राय बांसिन बेसेनाव मोन्नाय जायो, जेराव पेकेट मोनसे सिगारेटखौ 250 राडव मोन्नाय जायो।

आमेरिकानि हादतगिरि बाइडेनआ तालिबानखौ हुमखि होदों

वाशिंगटन, 21 आगस्ट: आफगानिस्तानखौ लानाने सावराय जानायजों मोगा-मोगि जानानाय आमेरिकानि हादतगिरि ज' बाइडेनआ तालिबाननो सांग्राथि होनायै गावनि गासिबो नोगोरारिफोरखौ रैखाथियै बायजोयाव दिहुन्नो खोथा होदों। लोगोसेनो बुंभावदोंदि, आमेरिकाखौ मदत खालामग्रा



आफगान सुबुंफोरखौबो जोथोन लानाय जागोन। गासिबो

आमेरिकानि नोगोरारिफोरा आफगानिस्ताननिफ्राय फेफिनो गोसो जादों, बिसोरखौ लाबोफिन्नाय जागोन। लोगोसेनो आफगानि सुबुंफोरखौबो लाबोफिन्नाय जागोन, जायफोरा आफगानिस्तानआव 20 बोसोरसिम दावहा नांनयाव जोंखौ मदत होदों।

आफगानिस्तानआव गासिबो सुबुंफोरखौ रैखाथियै बायजोयाव दिहुन्नो थाखाय 6,000 सान्थिफोरा जाथायसालियाव दहैयो। 14 आगस्टनि उनिफ्राय 9,000 सुबुंफोरखौ आफगानिस्ताननिफ्राय रैखाथियै लाबोबो हादों। थानाय 24 घन्टायाव बेवहायनिफ्राय आमेरिकानि सान्थिनि नोजोर होनायआव गं 11 चार्टर्ड फलाइटखौ दैथाय हसनाय जादों। बाइडेनआ बुंदों आफगानिफ्राय सुबुंफोरखौ रैखाथियै बायजोयाव दिहुन्नय अभियानआ गोबां खेफोदगोन आरो बेनि जोबथा फिथाइआ मा जागोन बेखौ रावबो जेबो बुंनो हाया। मुलुगनि बयनिखुइबो देरसिन रेस्क्यु अपारेसन सालायनाय जादों आरो बेयो मुलुगनि बयनिखुइबो देरसिन आरो जेना गोनं एयारलिफ्टनि गेजेराव मोनसे। जेब्ला रेस्क्यु मिसनआ जोबगोन अब्ला सान्थिखौ बेवहायनिफ्राय फुरायै बोखारना होनाय जागोन। बाइडेनआ तालिबाननि सिगाडव बुंदोंदि, जुदि सोरबा आमेरिकानि नोगोरारि आरो सान्थिखौ ख'हा खालामोब्ला, बेनि फिथाइआ खेफोद गोनं जागोन।

टुइटारनि उनाव फेसबुकआ राहुल गान्धीनि हेंथायै एक्सन लादों

गोदान दिल्ली, 21 आगस्ट: फेसबुकआ कंग्रेसनि बारग' आफादगिरि राहुल गान्धीनि बै परस्टखौ बोखारना होदों, जेराव दिल्लीयाव इनाय अनगार खालामनायजों भुगिनांनय 9 बोसोर बैसोनि गथ'नि बिमा बिफानि सिनायथिखौ सोराडव लाबोदों। सुलुंनि बायदिब्ला गावनि नेमखान्थिनि हेंथा मोन्नायाव बे थांखिखौ लादों। सुलुंनि फोरमायदों फेसबुकआ एनसिपिसिआरनिफ्राय राहुल पन्थिजो सोमोन्दो गोनं पन्थिखौ बोखारनायै होबाय। इनस्टाग्रामआ फेसबुकनि गावारि फंसथान। माखासे सान सिगांसो फेसबुकआ राहुल गान्धीनो लाइजाम लिरनानै बुंदों मोनदि बियो इनस्टाग्रामनिफ्राय गावनि पन्थिखौ बोखारनां गो। फेसबुकनि सासे बुंथिगिरिया शुकुबाराव इमेलनि गेजेरजों फोसावनानै मोनसे बिबुंथियाव बुंदों जों बेखौ बोखारनो थांखि लादों मानोना बेजों जोंनि नेमखान्थिनि हेंथा जायो। बेनि सिगां एनसिपिसिआरआ



फेसबुकखौ बुंदोंमोनदि, बियो गथ'नि बिमा-बिफानि सावगारिखौ पन्थि खालामनायनि थाखाय कंग्रेसनि बारग' आफादगिरिनि इनस्टाग्राम प्रफाइलनि हेंथायै नायबिजिनरनां गो। 4 आगस्टआव एनसिपिसिआरआ टुइटारव बे केसआवनो राहुल गान्धीनि एकाउन्टखौ लानानै नायबिजिनरनो थाखाय बुंदोंमोन। बेनि उनाव टुइटारआ कंग्रेस दैदेनगिरिनि एकाउन्टखौ बन्द' (लक) खालामदोंमोन, आथिखालनि बिनि एकाउन्टआ आनलक

जादों। एनसिपिसिआरआ बुंदोंमोनदि, गथ'नि बिमा बिफानि सिनायथिखौ सोराडाव लाबोनायजों जुभेनियेल जास्टिस ल' (Juvenile Justice Law) नि धारा 74, पाक्स' आयेननि धारा 23 आरो भारतीय दण्ड संहितानि धारा 228 एखौ सिफायदों, राहुल गान्धीआ बावैसो समाव गथ'नि बिमा-बिफानि सावगारिखौ फोसावदोंमोन आरो नख'रनि थाखाय बिजिनराय मोन्नायनि दाबिया लोगोसे गसंनो फोसावदोंमोन।

असम लोकसेवा आयोग

ASSAM PUBLIC SERVICE COMMISSION

No. 75PSC/DR-4/1/2020-2021

CORRIGENDUM

In containment of this office advertisement issued vide Advt. No. 06/2020 Dated 19-09-2020 for recruitment to the post of Assistant Engineer (Civil, Mechanical, Electrical, Chemical) under Public Health Engineering department, it is for information of all concerned that in pursuance of Hon'ble Gauhati High Court's order passed in WPC No. 3433/2020 (Kunal Kashyap Thakuria and others vs. The state of Assam, dated 16-09-2020 and Govt. communication sent vide No. PHED-307/2014/129 dates 20-08-2021 no. of Vacant posts in Civil Engineering branch should be read as 51 (Fifty One) in place of 62 (Sixty Two). However the vacancy positions for recruitment to the post of Assistant Engineer (Mechanical, Electrical, Chemical) will remain same.

The break-up of the revised vacancy positions category wise for 51 (fifty One) posts shall be as given in the following chart.

Name of Posts	OC	OBC/	STP	SC	STH	EWS	Total	Posts reserved for PWD & Type of Disability							
									REW	Total	REW	Total	REW	Total	REW
Assistant Engineer (civil) Under Public Health Engineering	17	5	6	2	9	8	10	8	8	4	6	2	51	16	O H - 1


Sd/-
Joint Secretary
Assam Public Service Commission
Jawaharnagar, Khanapara, Guwahati-22

Memo no. 75PSC/DR-4/1/2020-2021(A) Dated Guwahati the 21st August/2021
JANASANYOG/D/4402/21

भाइरासनिफ्राय गुगलनि फुल फर्मखौ मोनथियो नामा?



गोदान दिल्ली, 21 आगस्ट: सानफ्रामबोनि जिउ खुनायआव गोबां बिजि जानाय जाहोनाव सानफ्रामबो बाहायग्रा मुवा-बेसादखौ जौं बावो। मबाइल फन बाहायगिरिआ इन्टरनेट कानेक्टिबिटी थाखाय वाइ-फाइ बाहायो नाथाय बेनि फुल फर्मखौ सांब्ला



रावबो मोनथिया। जुदि भाइरासनि फुलफर्मआ मा होन्नानै सांथि सांब्ला सोरबा मोनथिगोन नामा।

1. मबाइल, लेपटप आरो डेस्कटपआव इन्टरनेट कानेक्टिबिटीनि थाखाय वाइ-फाइ बाहायनाय जायो। बेनि फुल फर्मआ वायारलेस फिडेलिटी जायो।



2. सम-सम खोनानो मोनोदि मबाइल, लेपटपआव भाइरास थानो हागौ। जौं सरानसा जिउ खुनायाव माखासे रोखोमनि भाइरास थानाय बेरामिफोरनि सोमोन्दै खोनानो मोनो। नाथाय बेनि फुल फर्मनि सोमोन्दै मोनथिनो मोनया भाइरासनि फुल फर्मआ वाइटेल

गोर्बोनि हांमा

आं थिना दोन्नाय गोजा सिन्दुरआ जेब्ला सोमखे हाद्रि बालाजौं गेलेफायो अब्ला सोर ? अबनि अन्नायखौ आं बहा गैया आंहा लोगोआव सासे अनजालि जानाबाय आं संसारा मासे बिमा गोमाजानाय दावसा मावरिया। दंमोन आंहा अनजालि थानाय समाव थाखा फेसा रोगां रोगां। नाथाय जाबाय आं दा लामानि सैमा थायोमोन आं रायज्जायोमोन आं अनजालिजौं खुसि खुसि। सोर इश्वोरनि अन्नायाव आं जोनोम लाफलांखो ? नाथाय दा आं मानो जानांखो आलाय-सिलाय।

तिकेन्द्रजित देवरि

गामि: धावल्लिगुरि(मैनागुरि)

आं नोनि थाखायल

आंभोथ नोनि थाखायल रावनिबो नड बे जोनोमआव, मोनथियाखेमोन नामा नौं आंखौ मोजां मोना सान्दोमोन रजे सिमाडव सानदौं नौंजौं गेलेगोन नाथाय मोगथाडव सान्दौं नौं माब्ला आंनि जागोन। सानै सानै सानसनो हाला आवसाव जाबाय आं नौंनि समायना महरखौ बिखा सिंआव थानाय मोनबा बिदि जाया जागौमोन। नाथाय सना आं बे जोनोमआव नौंखौल मोजां मोनो नौंखौल गोसो थोयो, उसाव-बादाव आंनि गोर्बोआ नौंखौल सानो मानोथाय।

मुस्रि थनिजा ब्रह्म
जिल्ला: कक्राझार।


इन्फर्मेशन रिसर्सेज आन्डार सिज जायो।

3. डेस्कटप एबा लेपटपआव जायखि जाया इनपुटखौ मादाखर्डजौं सरजाबनो थाखाय इनपुट डिवाइसनि गोनांथि जायो। माउस, किबर्ड बायदि इनपुट टुलखौ इउएसबिजौं सरजाबनाय जायो। इउएसबिनि



फुल फर्मआ इउनि भासैल सिरियाल बास जायो।

4. इलेक्ट्रिक शपआव जेब्ला टि थि बायनो थाडो अब्ला माखासे रोखोमनि टिथिखौ दिन्थिनाय जायो। बेफोरनि गेजेराव एलसिडिआबो मोनसे जायो। नाथाय बेखौ जौं मोजाडै बुजिनो हाया। एलसिडिनि फुल फर्मआ लिक्विड क्रिस्टल डिसप्ले जायो।



5. गुगलना मावख 'यारि महरै जेबो फुलफर्म गैया। नाथाय गुगलखौ डिस्क्रीब खालामनो थाखाय ग्लबेल अर्गनाइजेसन अफ अरिपेटेड ग्रुप लेंडवेज अफ अर्थ बुनाय जायो। गुगल 'goole' आ सोदोबजौं बानाय जानाय, जायनि आंथिया जादौं मोनसे गिदिर अन्जिमा।

दानि सिख्लाफोर

बर' हारिनि सिख्लाफोर टाउन बाजार होमबाथाइ जेरावबो हायलोब हायलोब गाननाया बिबिनि सुरिदार लंपेन गैया माथो नौंसोरनाय बर' हारिनि गाननाय। बायबाय नामा बायदि मैयानि गाब-गान्नाय दखना; दानाय लुनाय कृष्टि मोसानाय बायदि-आसार खान्थिखौ। गैया नामा नौंसिनि गोसोयाव बर' हारिखौ जौगाखां होनायनि मिजिक बिबादिब्ला जौं बर' राइजोखौ-मात्रै मोननो; फे जौं बर' हारिया बयबो खौसे जानि बर' हारिखौ जौगाखां होनायनि मिजिक बिबदिब्ला जौं बर' राइजोखौ-मात्रै मोननो; फे जौं बर' हारिया बयबो खौसे जानि बर' हारिखौ जौगाखां होनाइया-जौंनि आखाइयावनो दं। दाजसै नौंसोर रावबो एना एनि मालाइ हारिनि आंथि सिडव-थाबाय थानायनि सम गैला फेदो फे बयबो ज,ज; सुरदिनि जौं आगान गोजौं लामाजौं।

गोसोखां बसुमतारी
रामफलबिल गोजौं फराइसालि
गामि- मैनागुरी।
जिला- कक्राझार, बि टि सि, आसाम।

बुहुम मिथिंगा

बुहुम मिथिंगानि बायदि मैया बिफां-लाइफांफोरादि बारजौं बेसेबांवा मोजां मोजां रंजायो बेसे समायना बेसे रमायना बे बुहुम मिथिंगायालाय सारि रि बिफां-लाइफां फारि फारि न'-बां राइजो जाबायदौं आइ-आफा आवै-आबौ मोनहा मिनि रंजा बाजा बुहुम मिथिंगानि सायाव बेसे समायना, बेसे रमायना, बेसे गोजोनथाव, बुहुम मिथिंगानि महरालाइ आय बे संसारालाइ।

राना प्रताब सिंह ब्रह्म
गामि: बंसिगाव(दतमा)
जिल्ला: कक्राझार।

रंजालि गथ' फोरनि सौरा

दुखुथिया

हांमा सुरहाब सुरहाब दिखार नांहाब नांहाब नौं अनजालिनि दुखुया हाबाब अरायबो दुखुनि मोज्जिब। आगोमा अनजालुखौ नागिरना दंग्रोम बायदोमोन बेखायनो नागिरना, नाथाय अनजालुया खाथियाव गैया गाबत्रिबायदोमोन गोबां राव होना। संसारनि साथ जारलायाव गोग्लैबाय दुखुनि देंखोया रिजेनबाय, गारलांबाय अनजालुया अराय अनजालिखौ दुखुयाव गब' होना, नागिरना मोना अरायबो हाबाब दुखुथिया हांमा सुरहाब सुरहाब।

मुस्रि बिरदाव नाजारी
कक्राझार विधापीट गोजौं फरायसालि
थाखो- जि (10)
गामि- खारगाव
ला:सो:- खारगाव
जिला- कक्राझार।

हायेन

जौंनि हायेन बेसेबां समायना आय हाबाब बेसेबां गोजोन, बेलारोम समाव सोनाबफा सान हाबदौं दावमा दावसाफ्राबो रंजा-बाजा बिरलांदौं गथ'फ्राबो बेलारोम समाव बिजाब फरायो बिजाब फरायखानायनि उनाव बिबौनि सल बाथा खोनासडो। हर खोमसि जायो आरो गथ'फ्राबो उन्दुयो दावमा-दावसाफ्राबो सिरियै उन्दुयो। आरो बिनि उनाव जारौ मारौ फुबिलि जाबोयो दावमा-दावसाफ्राबो रंजा-बाजा गोदै गारांजौं मेथाय खनो आंनि गोसोआबो रंजानो गोसो जायो आय हाबाब बेसे समायना जौंनि हायेनलाइ।

मुस्रि दैथुन नाजारी
बासवारी गोजौं फरायसालि
थाखो- दाइन (8)
गामि- औवावारी, बिसमुरी।

फामीनि जिउ

अन्नायनि बोदोर हाबिला नौंनि हायना गोनं मुस्रियाव बरायनो नाड नौं सैनाय गेवलां फामिनि मोदोमनायजौं मुलुगनि दुथां सिख्रि फागला। मुलुगनि सिख्रिफोरा समायना महराव दान्दिसेल' अनसुला गाब गायो गेलेगोन बेसोर नौंनि बिखा गेजेराव उरफले उरफले सोलेरें मँग्लिजासे बेखेवनानै बिजिरगोन नौंनि सिनि सान्नि। हाया हाया एमब्राबायानानै नौंबो लहायगोन फागला सिख्रिफोरनि सहायथावै उतरखाराव मोदोमनाय मोसानाय रंजानायनि बेंखनखौ नौं नेवसिनानै दान्दिसेनो थुब सिरिगोन मेगनाव मोदेनि दाहार सोरजिनानै॥ फामि!! नौंनि जिउआ गोसोम हांगारनि गोदोनायाव दाहानि माला गान्नाय बिरलांनोबाय बबेबा गाहब खनायाव जेराव सुबुं सोदोमजोया नुफेराखे मेगनजौं नौंनि बै गोथैसालिनि उदां बिखावौ।

श्री मोकथां बसुमतारी
गामि- सा-धावल्लिगुरी।

आलाइ-सिलाइ जिउ

श्री लस्कमन नाजारी

जोनोमगिरि नौं बर' बिमा..... फेदेरदौं फोलावदौं फिसाखौ, आसि थुवा रोडेखौ फोरदौं, गावनि जोनोमगिरि जायगाखो उदां खालामनो दिन्थिदौं। सुथुरनि हेंथायै गसं थानाइआव गोबां जोहोलाव-जोहोलावजौं जिउ बावलांबाय॥ बर' फिसाफोरा आलाइ-सिलाइ मेगनाव मोदै खुगायाव खदे जानांबाय बर' बिमाआ सुथुरजौं जिनाहारि खालाम जाबाय गोबां सुबुं हारि नाइना थाबाय बेसेदि बिखा खामथाव दिखार गोनं बर' हारिनि सायाव इनाइ अनागार गादबनाय नासइनाय सोबख'नाइ सोर आइ होनफेदौं जौंखौलाइ आलाइ-सिलाइ दाव अमा बायदि बर' फिसाफोरखो बुथारनायखौ, दिखार गोनं बिखा खामथाव बर' हारिनि जिउ जारिमिना॥ बर' फिसाखौ बिमानि आखाइनिफ्राय सेना आलाइ-सिलाइ बुगिलना-जोगिलना बिमानि मेगनावनो बुथारदौं..... आसि थुयै-थुयै विथाब्लाबो बुंब्लाबो रावबो सहाइ होयाखै। बर' बिमाया गावनि खालाइ सोलेरखौ लाना दुखु-दाहा बुंफनयाव गोर्बोजौं आलाइ-सिलाइ जिउ खुदौं.....॥

दिमापुरनि मोदै

नौंसोरो मानो आंखौ नायसनदिया बर' फिसाफोर ? आं नौंसोरनि बर' राइज्यो दिमापुरसो। दिने आंनि बिखा गेजेराव नौंसोरनो बर' राइज्यो खुंदोमोन। नाइ दाबो आंनि दुखु दाहानि दिमापुरनि जारिमिनखौ बर' फिसाफोर। अब्ला नौंसोर नुगोन बे दिमापुर राइज्योफ्रा सोरनि। गबिन्द चन्द्र, तुलाराम सान्थि गाहाय सोमदीन कसारी मोनहाथ' आंनि बिखायाव थानानै बर' राइज्योखौ खुंदौं। दाबो सम दं बर' फिसाफोर आंखौ गुबुन हारिनिफ्राय उदांझि खालामनाय समा। नडब्ला जानोसै सिखोना जाहाराय बायखोन्दा नेरसोनफ्राबो आरो जिउ जारिमिना गुबुन हारिनि आंथि सिडव। नौंसोर आंखौ उदां खालामदो बर' फिसाफोर, आं नौंसोरनि उदां बर' राइज्यो दिमापुरसो।

मुस्रि रन्जय नाजारी
गामि- करफापारा, बिसमुरी

आंनि सिमां

सान्दोमोन आं सासे हारिनि गेजेरावनो थरसे अलंबार हारिनि दावहार। आंनि सिमांआ गोजावदौं अखोरां बिखा गोजोयाव माथि मिथिया आय ! सासे दैथायगिरि। सानसे बेलासे थिनानै दोन्नाय आंनि सिमां ! हनै फिथिखानि फाखनाव सोनाब फासैआव। माथो दावबायलांबायसो बारहुंखानि बारनायाव सान्दुनि दुनायाव थावरिनो हायैनि आंनि सिमांया थैलांबायसो।

श्री उत्तम कुंगुर नाजारी
गुरुदेब कालिसरन एकादेमी दं तमा
गामि- बेलगुरि
ला:सो:- आप्लागाव।



(1 बिलाइनिफ़्राय)

(1 बिलाइनिफ़्राय)

(1 बिलाइनिफ़्राय)

आसामाव फैगौ एप्रिल 2022 निफ़्राय गोदान सोलोंथाय खान्थि थिसनगोनः गिबि मन्थि

फोजौखानाय जागोन । बेनि हेफाजाबै सरकारआ सोलोंथायारि आबहावाखौ फोजौखानो रहा लानाय जागोन । रइज्योआव 1 लाख लाइमोनफोरनो खामानिआव थिसन्नायनि थांखि बादियै रइज्यो सरकारआ थिसन्थाय हाबाफारिखौ जागायबाय आरो फोसावथायबो होबाय । गिबि मन्थिआ मैया गुवाहाटीनि श्रीमन्त शंकरदेब कलाक्षेत्रआव सोलोंथाय बिफाननि गुबुन गुबुन बिथोनगिरिखि'नि गेजेरजों सा 767 बिजाथिफोरनो थिसन्थायलाइबो गथायनानै होयो । बेराफासँ रइज्योनि सोलोंथाय मन्थि डाः रुन्ज पेगुआ बुडोदि, रइज्यो सरकारआ फैगौ 5 बोसोरव सोलोंथाय बिफानआव सोलायनाय लाबोनो थाखाय बोसोरफ़ोमबो एन्इपिनि गेजेरजों गोदान गोदान रहफारि आजावगोन । ब्रिगियान, सानखान्थि आरो इंग्रजिखौ इंग्रजि रवै आरो गुबुन आयदाफोरखौ बिमानि रवजों फोरनैनाय जागोन होन्नानै बुडे।

सानथामनि हाबाफारिजों आसाम दावबायफैदों मि्रु मन्थि सर्बानन्द सनवालआ

23 आगस्टआव थुंगेगोन । बे यात्रायाव मिरुनि मन्थि सनवालआ गुवाहाटीजों लोगोसे मरिगाव, कलियाबर, नगाव, जरहाट आरो शिवसागर गासै मोन 18 जायगाफोरव खुंनाय बे यात्रायाव बाहागो लागोन । दिनै शनिबारखालि फुनि समाव गुवाहाटीआव सौफैनायनि उनाव गिबि खेबनि थाखाय मन्थि जानायनि उनाव आसामनि गिबि मन्थि हिमन्त बिश्व शर्माया सर्बानन्द सनवालखौ लोगो हमनानै बरायदों । बेनि उनाव फुंबिलि 10.40 रिगानिफ़्राय 11.30 रिगसिम आजारायाव खुंनाय मोनसे मेलआव बाहागो लाहैयो । जेरव दोलोन गोबां दैदेनगिरि आरो मावथिफोरनि गेजेरव गोनांथरै सावरायलायनाय जायो । फुंबिलि 11.46 रिगायाव मिरू मन्थि सनवालआ जालुकबारिआव थंनानै भारत रत्न ङ थुपेन हाजरिकानि मुसुखायाव बिबार बाउहैयो ।

साहित्य अकाडेमिनि बान्जायनायाव दुलाराय भारत बर' लाइमोन लिरगिरि जथुम्मा खुंदों

लिंथुमगिरि प्रफेसार अनिल बर'आ । बेखेवनाय फोरबोआव गाव–गावनि सुजुनाय खन्थाइ फरायथियो फारियै बरनालि बाग्लारि(कार्बि आंलं), बिजितगोरा रामसियारि(गौहाटी), इन्दुप्रभा बसुमतारि(गौहाटी), मनजु रानी दैमारि(बाक्स), निउटन के बसुमतारि(मरिगाव) आरो तृप्ति बसुमतारि(झारखन्ड)मोनहा । जथुमाव बाहागो लानानै बर' थुनलाइ आफादिनि आफादगिरि मुस्त्रि तरेन बर'आ बुडोदि– मोनसे हारिनि राव थुनलाइखौ जौगाखांहोनाया लाइमोनफोरनि बिबान । दिनैनै लाइमोनफोरनि सोरजिआ गोखों जायोब्लासो हारिनि राव थुनलाइयाबो गोखों जागोन आरो हारिनि जारिमिन सुजुनायाव गोखों बिफाव लानो हागोन । बेनिखायनो बर' लाइमोनफोराबो गुबुन गासैबो आयदाजों लोगोसे थुनलाइ सोरजिनाय आरो बिजाब सेबखानायाव गोसो होनांगौ ।

सेथि जथुम सुंद' सल' फरायनाय आयदायाव सुंद' सल' फरायथियो फारियै देरहासात गयारि(कक्राझार), दुलु रानी बर'(बाक्स), रन्ज्य ब्रह्म(चिरां) आरो सेल्फ मेड रानी बर'(अदालगुरि) मोनहा । हाबाफारिखौ मासिगिरि बिबान लानानै सामलायो साहित्य अकाडेमिनि बर' सुबुरुनारि आफादिनि सोद्रोमा बिश्वेस्वर बसुमतारिआ ।

नैथि जखन्थाय सावरायथाय आयदायाव 'बुहुमलुर् मुलुग आयदायाव बर' लाइमोनफोरनि रनसायनाय' बे आयदायि सायाव सावरायनाय जायो । बे आयदायि सायाव गाव–गावनि लिरबिदांखौ फरायथिनानै होयो अनिला स्वर्गियारि(गवालपारा), लब कुमार नार्जारि(कक्राझार), मदन नार्जारि(बाक्स)आरो पुर्ण ब्रह्म(बाक्स) । हाबाफारिखौ मासि लानानै सामलायो साहित्य अकादेमी लाइमोन बान्था मोनगिरि ङ रुजाब मोसाहारिया । जोबथा हाबाफारि खन्थाइ फरायनाय आयदायाव खन्थाइ फरायथियो फारियै अजित बसुमतारि(चेन्नाइ), अन्जना देबी ऊपाध्याय(दिल्ली), अनन्त समप्रामारि(सोनाब बेंगल), बुद्धदेब नार्जारि(कक्राझार), दैजि मुसाहारि(चिरां), लब बसुमतारि(डिब्रुगड़), माइनावस्त्रि दैमारि(उदालगुरि), सनजिब बसुमतारि(लखिमपुर) आरो उपमा रानी दैमारि(बाक्स)मोनहा । हाबाफारिखौ मासिगिरि बिबान लानानै सामलायो साहित्य अकाडेमि लाइमोन बान्था–2011 मोनगिरि जैस्त्रि बर'आ । गासै हाबाफारिखौ गाहाय सुंथागिरि महरै सामलायो साहित्य अकाडेमिनि हाबाफारि मावख'गिरि ङ मिहिर कुमार साहुआ । नोजोर होनो गोनांदि, बे जथुमाव भारतनि दाब दाब जायगायाव थानाय बर' लाइमोन लिरगिरिफोरा बाहागो लादोंमोन ।

आसामाव फरायसालिफोरखौ खेबसेयैनो खुलिफिन्नाय नडा

थासारिखौ नायनानै गासै फरायसालि, फरायसालिमा आरो सोलोंथाय फसंथानफोरखौ खुलिफिन्नायनि थि थांखि लानाय जागोन होन्नानै फोरमायबावो सोलोंथाय मन्थि रुन्ज पेगुआ । मख'नो गोनांदि, गिखंथाव कस्ता महामारिआ मुलुगनाडै साग्लोबनायनि जाउनाव दुलाराय भारत हादरजों लोगोसे आसामावबो थंनाय बोसोरनिफ़्रायनो सोलोंथाय फसंथानफोर आबुडै बन्द जानानै दंबोयो । दासान्दि कभिड–19 नि थासारिआ आसामाव सिगां समनिफ़्राय साबसिनआव फेनाय हिसाबै कभिड–19 नि प्रटकलखौ मोनसेनि उनाव मोनसे रेजें खालामनाय जादों । रइज्योआव दासिमबो कभिड–19 नि जाहोनाव नाइट कार्फिउ, मोनसे जिल्लानिफ़्राय गुबुन मोनसे जिल्लासिम दावबायारि बासफोरनि सिबिथायफोरखौ होबथानायजों लोगोसे माखासे गोखों नेमखान्थिफोरा सोलिगासिनो ।

सप्ताहसेनाडै अखा हाबावगोन, उत्तराखन्ड आरो सा–सान्जा भारतआवः बोथोर बिफान

बिफानआ सांग्राथि फोसावदों । फोसावनाय बादियैब्ला मध्य प्रदेशआव सोमजिनया बारहुंखानि जाउनाव दिनै शनिबारखालि सोनाब उत्तर प्रदेश, दिल्ली आरो हरियानाखौ लानानै काथि–खाला थानाय रइज्यो आरो उत्तराखन्डआव लान्थियैनो अखा हाबाय थागोन । बोथोर बिफाननि बादियैब्ला बेफोर ओन्सोलाव गोखों अखा आरो मोफ्लामनाय–खोरोमनाय जानो हागौ । बेनि थाखायनो बेफोर ओन्सोलखौ आइएमडिआ अरेन्ज एलाटबो फोसावदों ।

बोथोर बिफाननि बादियैब्ला, मौयुमि बारआ सोनाब ओन्सोलसिम सौहैनो बांद्राय गोबाव गैलियाब्लाबो सान्जाहा सरासन्थानिखुइ एसे बांसिन खोला फासँ गिदिनानै दडा । बेयो सान्जानिफ़्राय लासै–लासै साहा फासँ बारलांगोन, सा–सान्जा भारतआव फैगौ सप्ताहनि गेजेरव बेनि हेफाजाबैनो गोखों अखा हागोन । फैगौ सानबासिम सोनाब बंगनि हिमालय ओन्सोल, अरुनाचल, आसाम आरो मेघालयआव 200 मि:मि:निखुइ बांसिन अखा हानायनि मिजिं दड होन्नानै फोसावदों बोथोर बिफानआ ।

बेराफासँ जम्मु–काश्मीर, हिमाचल प्रदेश, उत्तराखन्ड, पान्जाब, हरियाना, उत्तर प्रदेश, सिक्किम, आसाम, मेघालय, नागालेण्ड, मनिपुर, मिजयम, त्रिपुरा, राजस्तान, गुजराट, मध्य प्रदेश, महारास्ट्र, बिहार, गवा, कर्णाटक, तेलेंगाना, अरुनाचल प्रदेश, तामिलनाडु, आन्ध्रप्रान्त आरो निकबर द्वीप आरो लाक्षा द्वीपआव खोरोमनाय सासन्थाय गावनायजों अखा हागोन । गुबुन फासँ उत्तराखन्ड आरो सिक्किमनि सा ओन्सोलाव बरफबो गोरलैनो हागौ ।

ससेल मिडियाआव तालिबानखौ मदत खालामनायनि पुलिसआ सा 14 सुबुंफोरखौ हमबाय

सिडव हमजानाय सुबुंफोरनि हेंथायै केस थिसन्नाय जायो । बिबानगिरिआ बुंबावोदि, बिसोरखौ थुनज्लायनाय बिबुंसारजों पस्ट होनायनि थाखाय सांग्रांथियारि महरै बे रहाखौ लानाय जायो । पुलिसआ फोरमायबावोदि, कामरुप मेट्रपलितान, बरपेट, धुबुरी आरो करिमगन्ज जिल्लानिफ़्राय सासै–सानैयै पस्टनि गेजेरजों तालिबानखौ मदत होग्रा सुबुंफोरखौ खायो । बे रोखोमैनो दर्, कासार, हाइलाखान्दि, साउथ सालमारा, गवालपारा आरो हजाइ जिल्लानिफ़्रायबो तालिबानखौ मदत खालामनानै पस्ट होनायनि हेंथायै सासे सासे सुबुंखौ खानाय जायो । रइज्योनि लेडइ डिजिपि भायलेट बरुवाआ फोरमायनाय बादिब्ला, आसाम पुलिसआ ससेल मिडियानि गेजेरजों तालिबान उतखारिखौ मदत होनायनि थुनज्लायनाय रोखोमनि पस्ट होनायनि हेंथायै आइनारि रहा लागसिनो दडा मानोनआ बेफोरबादि हाबाया हादरनि रैखाथि बिर्थनि थाखाय खैफोद गोनां । बिथाड बुंबावोदि, बिसोरबादि सुबुंनि हेंथायै दायनिगिरिनि केस थिसन्नाय जादों । बिथाड सोरबा मिबथिमनै सुबुड बे रोखोम बाश्ना फोसावनाय नुयोब्ला बिसोरबादि सुबुंनि हेंथायै पुलिस खुंथायनो फोरमायथिनो थाखायबो खवलायहरो ।

ड्रागस जाग्रा आरो फानग्रा फालांगिरिजों साथाम हमदों

लाइमोनफोरजों लोगोसे सासे ड्रागस फालांगिरिखौ हमनो हायो । जायगानि रइजो–राजाफोरा खौयां होनायनि उनावनो मुसलपुर दख'रा एबसुआ मुसलपुरनि साखाथि बांनाबारि गामियाव बाबुल बर' आरो मानसिं मोसाहारि मुंनि सासै लाइमोनखौ ड्रागस जानायनि सोमोन्दै सेबनाय समावनो बिसोर लाइमोन सासैआ ड्रागस जानायखौ नंगौ होन्नानै सिमान लायो । बेनि उनाव फरायसा आफादिनि मावथिफोरा बिसोर सासै लाइमोनखौ पुलिसनि आखाइयाव गथायनानै होयो । बिसोर सासै लाइमोननि सिमान जानानै फोरमायथिनाय बादियै पुलिस हान्जानि मदतजों एबसुनि मावफारियाफोरा नलबारि गनेश मन्दिरनि साखाथिनिफ़्राय बन्ति दास मुंनि ड्रागस फालांगिरिखौ हमनो हायो । बिनि आखाइनिफ़्राय मोन 9 ड्रागस आबुं कन्टेनार आरो नोगोद 9 रोजा 700 रंबो बोखानानै लाबोनो हायो । ड्रागस फालांगिरि बन्ति दासनि न'आ नलबारि सनपुरआव आरो ड्रागस जानाय सासे लाइमोननि न'आ बाक्सा जिल्लानि गल्दिंपारायाव आरो गुबुन सासेआ बांनाबारिनि । बिसोर साथामबो सुबुंफोरखौ पुलिसआ गोबां सुलुं मिबथिनो हानाय बादियै सेबगासिनो दड होन्नानै मिबथिनो मोन्नाय जादों ।

ड्रागसजों लोगोसे साथाम लाइमोनफोरखौ हमदों

सानै लाइमोनखौ ड्रागस जानायनि सोमोन्दै सेबनाय समावनो बिसोर लाइमोन सासैआ ड्रागस जानायखो नंगौ होन्नानै सिमान लायो । बेनि उनाव फरायसा आफादिनि मावथिफोरा बिसोर सासै लाइमोनखौ पुलिसनि आखाइयाव गथायनानै होयो । बिसोर सासै लाइमोननि सिमान जानानै फोरमायथिनाय बादियै पुलिस हान्जानि मदतजों एबसुनि मावफारियाफोरा नलबारि गनेश मन्दिरनि साखाथिनिफ़्राय बन्ति दास मुंनि ड्रागस फालांगिरिखौ हमनो हायो । बिनि आखाइनिफ़्राय मोन 9 ड्रागस आबुं कन्टेनार आरो नोगोद 9 रोजा 700 रंबो बोखानानै लाबोनो हायो । ड्रागस फालांगिरि बन्ति दासनि न'आ नलबारि सनपुरआव आरो ड्रागस जानाय सासे लाइमोननि न'आ बाक्सा जिल्लानि गल्दिंपारायाव आरो गुबुन सासेआ बांनाबारिनि । बिसोर साथामबो सुबुंफोरखौ पुलिसआ गोबां सुलुं मिबथिनो हानाय बादियै सेबगासिनो दड होन्नानै मिबथिनो मोन्नाय जादों ।

सावन्त्रि मन्थिआ कभिडनि थासारिखौ लानानै खौरांगिरि मेल खुंदों

आबुं भेक्सिन थुनायनि रहा लानाय जागोन होन्नानै सावस्त्रि मन्थि केसब महन्तआ बुडे । बिथाड फोरमायोदि 8929103776 नम्बरव मिस क'ल खालामोब्लानो गोरलैयैनो भेक्सिन मोननो हागोन । बेनिखायनो जाय सुबुंफोरा दासिमबो भेक्सिन लानो दंबावो बिसोरखौ मिस क'ल खालामनो खवलायहरो । रज्योयाव कभिडनि सन्देरनाया खम जाबोनो हमदोंब्लाबो माखासे जिल्लाफोर सन्देरनाया खम जायाखे । खौरां मेलनि गेजेरजों मन्थिआ नोगोरमानि सुबुंफोरखौ सांग्रां जानो खवलायहरो । बेनिखायनो सपिं म'ल, फलांगियारि फसंथान, ग'लानि मावफारिफोर कभिडनि भेक्सिन लानाय फोरमान लाइखौ गाननांगोन नडब्ला आलायनानै दोननांगोन । सांग्रां जायाब्ला सरकार गोखों थांखि लानो गोनां जागोन होन्नानै बिथाडा बुंबावो । गुवाहाटी नोगोरमायाव आथिखालनि समाव 18 बोसोरनि गोजौनि 15 लाखनि गेजेरव गासै 14 लाख 10 रोजा सुबुंफोरखौ भेक्सिन थुनाय जादों । गुवाहाटीयाव सा 164 सुबुंफोरा कभिडजों सन्देज्जादों । लोगोसे गासै सा 1204 बि एल अ खौ जरखा फोरोंथाय होनाय जादों होन्नानै सावस्त्रि मन्थि केशव महन्तआ बुडे ।

आसाम सरकारनि 100 सान आबुं जानायाव चिरां जिल्लायाव जाफुंसारनायनि हाबाफारि खुंदों

खुंथायनि लोगो कमिसनार रखिस्त्रि लेखारुनि सामब्लायनाय खुंफुंनाय हाबाफारियाव गाहाय आलासि महरै बि टि सिनि लेडइ मासिगिरि अभिराम महानायकआ बाहागो लादोंमोन । आसामनि हारियारि मेथाइजों बेखेवनाय बे हाबाफारियाव चिरां जिल्लानि जिल्ला बेंगिरि नरेन्द्र कुमार साहआ गावनि बराय बिबुंथियाव रज्यो सरकारआ गुबुन गुबुन प्लेनि खालामनानै बिथांखि गायसन्नायनि बिथिडव गोनांथि होनायाव ङ हिमन्त बिश्व शर्मा दैदेन्नाय आसाम सरकारनिसिम हामब्लायथि बाउहरो । बिथाडा सरकारनि सुबुं अनसायनाय बिथांखिफोरखौ रइजो–राजाफोरनिसिम मिथिहोनायनि रहा लानांगौ होन्ना फोरमायनानै खौरां बिजौनि थान्दैफोरखौ हेफाजाब होनो खवलायहरो । थंनाय 100 सानाव आसाम सरकार गोबां खामानि मावदों, मावबोबाय थादों आरो बेखौ रइजो–राजाफोरनि गेजेरव फोसावनाय फोसावथाय लाइयाव फोरमायथिदों होन्नानै बिथाड बुडे । रज्योयाव मोसौ धोन रैखाथि, खामानि गैयैनि जेंनाखौ बोस्त्रानो 1 लाख थिसन्थाय होनायनि थांखिजों लोगोसे पैगौ 5 बोसोरव ड्रागस उदां गोग्गो आसाम गायसन्नाय, गथ'सा आरो आइजोफोरनो रैखाथि होनाय, चिरांनिफ़्राय लांखारजानाय गासै सा 62 गथसाफोरखौ रैखाथियै लाबोफिन्नो हानाय आरो कभिड–19आव मावरिया जानांनाय गथ'सा, रान्दि आइजोनो रंखान्थियारि अनसुंथाय होनायाव गिबि मन्थि ङ हिमन्त बिश्व शर्माआ लानाय रहफारिफोरा मख'जाथाव होन्नानै जिल्ला बेंगिरिआ फोरमायो । गाहाय आलासि बि टि सिनि लेहाइ मासिगिरि अभिराम महानायकआ ङ हिमन्त बिश्व शर्मानि दैदेन्नाय आसाम सरकार भारत हादोरनि गेजेरव साबसिन रज्यो जागोन होन्नानै फोरमायो । बिथाड रज्यो सरकार अरुनादय, बोरय आरो रान्दि सुबुंनि पेन्सनखौ गोदानै होनायनि हाबाफारिया रइजो–राजाफोरनि मोनसे गिदिर जेंनाखौ बोस्त्रानाय होन्नानै फोरमायथियो । बे हाबाफारियाव चिरां जिल्ला पुलिसनि एस पि प्रानजित बरा, एडिसनेल जिल्ला बेंगिरि आरो बिजनीनि महकुमा बेंगिरि दिबाकर नाथ, गुबुन एडिसनेल जिल्ला बेंगरिफोर, लोगो कमिसनारफोरा, सार्कल बिबानगिरिफोरजों लोगोसे बिफानानि बिबानगिरिफोरनि नुजाथिनायाव खुंफुंनाय मेलाव खौरां बिजौनि थान्दैफोरबो बाहागो लानानै जिल्लानि सोलफिंुबाय थानाय समनि जौगाखां बिथांखिपोरनि सायाव सावरायलायो ।

हाइ स्कुल ड्रप आउट ब्रैथि थाखोनि मावफारिया आफादा साखिनि मासिखौ सरकारि खालामनांगौनि दाबि दैखांदों

हरेन नाथ आरो नेहाथारि गपाल नाथआ बुडोदि 2013 माइथायाव रज्यो सरकारा गोदानै फरायसालिफोरखौ सरकारि खालामनायाव आफां आसामनि खमैबो 400 निबो बांसिन आरो आसामाव गासै 700 निबो बांसिन ब्रैथि थाखोनि मावफारियाफोरा साखिनिफ़्राय जानगाराव थानो गोनां जादोंमोन । आफादा फोरमायनाय बादिब्ला 2013 माइथायाव रज्यो सरकार फरायसालिफोरखौ सरकारि खालामनाय हाबाफारिनि सिगां फ़्रायसालि सामब्लाय आफादा गंफ़्रोमबो फरायसालिनिफ़्राय सा 2 सुबुंफोरखौ सकिदार मासियाव थिसनदंमोन आरो बैसोरखौ फरायसालिफोरनि नायदिंगिरियाबो गनायथि होदोंमोन । नाथाय फरायसालिफोरा सरकारि जाखानायनि उनाव सरकार सासे सुबुंखौ बे मासियाव थिसन्थाय होयो आरो गुबुन सासेया थालाडो एबा ड्रप आउट फोसावनानै होयो । बेनि उनावबो थालांनाय बैसोर मावफारियाफोरा दिनैसिमबो सम बायदियै फरायसालियाव थंनानै गावनि बिबानखौ मावदोंमोनब्लाबो दिनैसिम बिसोरनि साखिखौ थि खालानायनि बिथिडव आसाम सरकार जेबो रोखोमनि रहा लायाखे होन्नानै फोरमायो । जायनि जाउनाव फरायसालिया गायसनजानाय साननिफ़्रायनो दान बान्था गैया लासिनो 25–30 बोसोर नाडेनो बैसोर मावफारियाफोरा खामानि मावबोनायाव गोबां जेंनाजों मोगा–मोगि जानो गोनां जादों । 1991 माइथायाव बैसमनि सोलोंथाइ मन्थिआ फरायसालिफोरखौ सरकारि खालामनायनि हाबाफारियाव सासैयै सकिदारनि मासिखौ थि खालामदोंमोनब्लाबो 2013 माइथायनि सरकारि खालामनाय हाबाफारियाव मा जाहोनि थाखाय मोनसे मासिया थालांखो बेखोनो सोंथि सांदों आफादा । आफादा गावसोरनि गोनांथि जानाय फोरमानलाइपोरखौ नायबिजरनानै जिल्लाफोरनि फरायसालि नायदिंगिरिनि मावख'निफ़्राय गेजेरारि सोलोंथाइ सामब्लायगिरि मावख'सिम दैथाय हरनायनि उनाव सोलोंथाइ बिफाना दिनैसिमबो बिसोरनि मासिफोरखौ सरकारि खालामैयाव रगा जौंखानाय फोरमायथिदों । बेनिखायनो आफादा थाबैनो गिबि मन्थि ङ हिमन्त बिश्व शर्मा आरो सोलोंथाइ मन्थि डाः सन्ज पेगुखौ 2013 माइथायनि फरायसालि सरकारि गनायथिनाय आयेननि सोलायै 2017 माइथायनि मासि सरकारि खालामनाय सोदंनाय आयेननि आवथायाव लाबोनानै बिसोरनि मासिफोरखौ सरकारि खालामनो थाखाय दाबि देखंदों ।

मुसलपुरआव गोब्राब बेरामजों जुजिनाय उन्दै गथ'सानो गिबि मन्थि अनसुंथाय फुन्जिनफ़्राय मन्थिआ चेक गथायदों

गथ'साया । जिल्लानि डुमनि बाजार ओन्सोलनि सरासनस्त्रा खामानि मावनानै जिउ खांबोनाय नारायन दास आरो भनिता दासनि सासेल' फिसाजो तनथि दासआ जोनोमनिफ़्रायनो गुबुन गुबुन बेरामजों भुगिनांबेदों । 2 खावसे बोसोर बैसो जानायनि उनावबो खामिहाराखौ थोंजों खालामनो हायाखे गथ'साया । तनथि दासखौ गुवाहाटी देहा फाहामथाय फरायसालिमा हस्पिताल, प्रतिक्शा हस्पिताल बायदि गुबुन गुबुन देहा पाहामसालियाव फाहामथाय होनायनि उनावबो गथ'सानि बेरामखौ सोखानो हायाखे । देहा फाहामगिरिया फोरमायनाय बादिब्ला गथ'साया स्पाइनेल मास्कुलार एट्रफि (एस एम ए) मुंनि मोनसे गोब्राब बेरामजों भुगिदों । देहा फाहामगिरिनि बादिब्ला बे बेरामनि फाहामथायाव गोलाव सम लागोन । खामिहारा थोंजों खालामनो हायै गथ'साखौ सोरबा नडा सोरबा सासेयाव बामखानानै लाबाय थानो नांगौ । जाउनाव बिफा नडब्ला बिमा सोरबा सासेया नांथाबबाय थानो नांगौ । हाजिरा–मुजिरा मावनानै जाग्रा नखरा आथिखालाव लकडाउरनि जाहोनाव सानफ़्रोमबो खामानि मोना । जायनि जाहोनाव नखरा गोबां जेंनाजों मोगा–मोगि जानो गोनां जादोंमोन । उनाव बे दुखुथिया नखरनि थासारिनि सोमोन्दै आसाम सरकारनि मन्थि इउ जि ब्रह्मआ मिथिनानै लोगो लोपगोन गिबि मन्थि ङ हिमन्त बिश्व शर्मानो फोरमायथिनानै होयो । बेबायदियैनो मन्थि इउ जि ब्रह्मआ गिबि मन्थिनि बिथोन बादियै दिनै बेरामजों भुगिनांनाय गथ'सानि बिफानि आखायाव गिबि मन्थि अनसाय फुन्जिनफ़्राय 1 लाख रंनि चेकखौ गथायनानै होयो । गुबुन फासँथि बाक्सा जिल्ला इउ पि पि एल दोलोनि गाहाय नेहाथारि दयाल शरनियानि दैदेन्नायाव नुजाथिहैनाय थान्दै हान्जया गोब्राब बेरामजों भुगिनांनाय गथ'सानि देहानि थासारिनि सोमोन्दै सुलु लाहैयो ।

आसामनि मोन 30 फरायसा आफादफोरा जुथायै सावरायमेल खुंदों

गुबुन जेंनानि सायाव सावरायमेल खुंदों । सावरायमेलाव गाहायै आथिखालाव करना महामारिजों गाग्लोबजानायनि जाउनाव फरायसाफोरनि सोलोंथाय लानायाव नुजानाय जेंना, मेट्रिक आरो हायार सेकेन्डारि आन्जादिनि फिथाइ मोनखानायनि उनाव फरायसालिमाफोराव मुं थिसन्नायाव गोबां जेंनाजों मोगा–मोगि जानांनाय, गोदान सोलोंथाइ खान्थि बायदि आयदानि सायाव गुवारै सावरायलायनाय जायो । बेजों लोगोसेनो आसाम रइज्योजों साखाथिनि गुबुन गुबुन रइज्योनि गेजेरव हानि सिमनाखौ लानानै दाख–बाजि जानाय थासारिनि सायावबो गोथौयै सावरायनाय जायो होन्नानै सुलुखव फोरमायदों । मख'नो गोनांदि, जुथायै खुंनाय बे सावरायमेलाव दुलाराय बर' फरायसा आफादिनि आफादगिरि दिपेन बर'आबो गुबुन गुबुन फरायसा आफादफोरनि बिबानगिरि बिथांमोनजों जयैनो बाहागो लादोंमोन ।



साना लियनीनि सावथुन शेर'नि सेटआव दोहौ गोनाडै दावरव-दावसि जानायखौ नुनो मोन्दौ

गोदान दिल्ली, 21 आगस्ट: बिग बसनि मुंदांखा आरौ बलीउडनि ग्लेमारास फावखुंग्रि सानी लियनीआ अरायसम मावेबा नड मावेबा जाहोनाव खौरखव थाबाय थायो। सानीआ सम-सम गावनि आखुजौ फेन्सफोरखौ जावलिआ खालामो। बिनि समायना महाराव लाख-लाख सुबुंफोरा जावलिआ जायो। इन्डास्ट्रीआव बेबी डल'नि मुंजौ मुंदांखा जानाय सानीआ गावनि के रियारआव माखासे सावथुनफोरव फाव खालामदौ। फारसेथिं माखासे बलीउड सावथुनफोरव बियो गावनि आइटेम नम्बरजौ सुबुंफोरनि गोसोखौबो देरहादौ। बियो एक्टिनि अनगायै सशेल मिडियाआवनो गोबौ एक्टिभ थायो। सम-सम सानीआ गावनि लेटेस्ट सावगारिफोर आरौ भिडियफोरखौ फेन्सफोरनि गेजेराव शेरार खालामवाय थायो। बेनि गेजेरावनो सानीनि मोनसे भिडियआ सशेल



मिडियाआव थाबाय थायौ। बे भिडियआव बिनि रिलीस जानो गोनां सावथुन शेर'नि सेटआव गोबां दोहौ गोनाडै दावरव-दावसि जानाय नुनो मोन्दौ। सानी लियनीआ आधिखालाव गावनि रिलीस जानो गोनां सावथुन शेर'नि शुरुटिआव नांथाबदौ। बेनि गेजेराव बियो गावनि बे

सावथुननो सेटनिफ्राय मोनसे भिडियखौ गावनि एनस्ट्रगाम एकाउन्टआव शेरार खालामदौ। बे भिडियआव सानीखौ गोबां आलादा आखुआव नुनो मोन्दौ। भिडियआव रोखायै नुनो मोन्दौदि, सेटआव सासे हौवाया गुबुन सासे हौवाखौ बुनो थाखाय खारो, बे समावनो सानीलियनआ बिखौ रैखा होनो

आखायाव गंसे लहानि पाइपजौ बिखौ बुनो थाखाय खारो। मख'नो गोनांदि बेयो मोनसे

सुशान्त सिं राजपुतनि फेसबुक एकाउन्टआ हरखाबै एक्टिभ जादौ



गोदान दिल्ली, 21 आगस्ट: फावखुंगुर सुशान्त सिं राजपुतआ थानाय बोसोराव मुलुगखौ नागरालांदौ। सुशान्तनि फेन्सफोर बिनि बेबायदि हरखाबै रंसारि जानायखौ दिनैसिमबो फोथायनो हायाखे, फेन्सफोर गावसोरनि फेबारेट फावखुंगुरखौ बावनो हायाखे। थानाय सानफोरव माखासे एरैबायदि जादौ, जायजौ फेन्सफोर गोमोदौ। बावैसो समाव सुशान्तनि फेसबुक पेजआव बिनि प्रफाइलनि सावगारिया चेन्ज जादौ। फेन्सफोर गावसोरनि मोजां मोनाय फावखुंगुरखौ गोसो खांदौ। सुशान्त सिं राजपुतनि हान्जाया बिनि फेसबुक प्रफाइलखौ आफडेट खालामदौमोन। जायखौ नुनानै फेन्सफोर गोमोन्दौमोन। सुशान्तनि सावगारिखौ नुनानै बिनि फेन्सफोर इमशनेल जादौ आरौ कमेन्ट सेक्सनआव कमेन्ट खालामदौ। सासे फेन्सआ लिरदौ 1 सेकेन्डनि थाखाय आं सान्दौदि नै फेफिनबाय। फारसेथिं गुबुन सासे इजजारआ लिरदौ नौ थानानै थायोमोनब्ला आरौ गावनि डीपीखौ गावनो सोलायगोमोन। फेन्सफोर लान्थिये बिनि सायाव रिएक्ट होदौ आरौ लिरदौदि, जौ नौखौ गोसो खांवाय थायो सुशान्त। सासे इजजारआ स्क्रीनशर्ट शेरार खालामनानै लिरदौ सुशान्तआ 2 सान सिगां गावनि पेजआव एक्टिभ दडमोन। जानो हागो बिनि सशेल मिडिया हान्जानि गेजेरजौ लेजेन्डाअ अरायसम थानानै थायो। 14 जुनआव सुशान्त सिं राजपुतनि हरखाबै रंसारि जानायनि उनाव बिनि हान्जाया मोनसे वेबसाइटनि सोमोन्दो फोसावनो थाखाय बिनि सशेल मिडिया पेजखौ सामलायदौ, जाय फावखुंगुरनो बावसोनाय जागोन। 16 जुनआव रंसारि जानाय फावखुंगुरनि हान्जाया फेसबुकआव फोसावदौ बियो गोजानाव दड; नाथाय दासिमबो जौजौ लोगोसे थानानै दड।

मौनी रयखौ फटसुटनि समाव अक्स मुमेन्टनि मैहुर जानाय नुनो मोन्दौ



गोदान दिल्ली, 21 आगस्ट: आधिखालाव गोलाव समसिम टिभिआव फाव खालामनायनि उनाव आधिखालाव मौनी रयआ सावथुनि फारसे सावराय लांदौ। बियो आधिखालाव बांसिन सावथुनफोरनि फारसेनो फकस खालामदौ। मख'नो गोनांदि, मौनी रयआ गोलाव समसिम टिभि स्व'फोरव फाव खालामदौ। बियो टिभि श्व' नागिन' आरौ देब के देब महादेव'जौ बयनिखुडबो बांसिन मुंदांखा जानो हादौ। बावैसो

समाव मौनी रयनि माखासे सावगारिफोरा सोराडव फेदौ आरौ बे सावगारिफोराव लाख लाख सुबुंफोरा लाइक्स, कमेन्ट खालामदौ। फावखुंग्रिनि बे सावगारिफोरखौ नुनानै हमदानो हायोदि बियो बे फटसुटखौ मालदीबनि रिजर्ट आरौ बेनि खाथि खालायाव खालामजादौ। आधिखालाव बियो बे सावगारिफोरखौ से यार खालामनानै बे सावगारिया बबेयाव सेबखांनय बेनि सोमोन्दै

जेबो बुडाखे। फावखुंग्रिया बे गासिबो सावगारिफोरखौ गावनि इन्स्टाग्राम एकाउन्टआव आपलड खालामदौ। मौनीआ गासै मोन 3 पस्ट खालामदौ, जेराव आलादा आलादायै बियो बे सावगारिफोरखौ से यार खालामदौ। आधिखालाव बे फटसुटनि सावगारिफोरनि खालामदौ। आधिखालाव बे फटसुटनि सावगारिफोरनि गेजेराव मोनसे सावगारिया औरैबायदिबो दडजेराव मौनी रयखौ ममेन्टनि मैहुर जानाय नुनो मोन्दौ। मख'नो गोनांदि, सावगारि सेबखांनय समाव बिनि ड्रेसआ गोबां बिरखांदौ। मौनी रयआ बे फटसुटखौ गोबां नेचुरेल लकेसनआव खालामनांदौ। माखासे सावगारिफोराव बिखौ लैथोमानि सेराव नुनो मोन्दौब्ला माखासेयाव बिखौ बिफां लाइफानि खाथियाव गसनाय नुनो मोन्दौ।

शेहेनाज गिलआ माधुरी दीक्षितजौ मोसानायाव माखासे डान्स स्टेप्सखौ बावदौ



गोदान दिल्ली, 21 आगस्ट: लाइमलाइटआव थायो आरौ बिग बस'आव फैनयनि उनाव बयनिखुडबो बांसिन शेहेनाज गिलआ मुलाम्फा जादौ। शेहेनाजआ सम-सम

लाइमलाइटआव थायो आरौ बिग बस'आव फैनयनि उनाव बयनिखुडबो बांसिन शेहेनाज गिलआ मुलाम्फा जादौ। शेहेनाजआ सम-सम

दीवाने 3'नि जौसाडव नुनो मोन्नाय जादौमोन। श्व'नि प्रमआवबो बिखौ नुनो मोनखांबाय। शेहेनाजआ बावैसो समाव इन्स्टाग्रामआव माधुरी दीक्षितजौ लोगोसे मोनसे भिडियखौ शेरार खालामदौ जायखौ फेन्सफोर गोबां मोजां मोन्दौ। आधिखालायाव शेहेनाजआ माखासे टिभि श्व'फोरव आलासि जानानै सौहैदौ। थाबैनो बिखौ डान्स रियेलिटी श्व' 'डान्स दीवाने 3' आव नुनो मोनसिगोन। बे

एपिसडआव बिजौ लोगोसे सिद्धार्थ सुक्लाखौबो नुनो मोनगोन। बिसोर सा 2 नि प्रमआ सिगाडावनो फेखांबाय। बेनि गेजेराव शेहेनाजआ गावनि सशेल मिडिया एकाउन्टजौ सेटनिफ्राय मोनसे भिडियखौ पस्ट खालामदौ। जेराव बिखौ माधुरी दीक्षितजौ लोगोसे मोसानाय नुनो मोन्दौ। शेहेनाजआ बे समाव निला गावनि लेहंगा गानदौ। माधुरीजौ लोगोसे शेहेनाज

गिलआ बडौ मुश्किल देखौआव मोसादौ। माधुरीआ गोखौ डान्सार होन्नानै साफ्रोमबो मोनथिगौ। शेहेनाजआ बिजौ लोगोसे समानै मोसानो नाजादौ, नाथाय हायाखे। शेहेनाजआ मोसानाय समाव माखासे स्टेप्सफोरखौ बावदौ। बेनि सिगां शेहेनाज गिलआ मोनसे भिडियखौ पस्ट खालामदौमोन जेराव बियो 'परम सुन्दरी' देखौआव मोसादौमोन।

गाहाम देहानि राहा

गोसोयारि गाहामनि थाखाय जिउनि मोन्दांथिनाया मानो गोनांथार

जौ बैसो गोर एवा बोराय-बुरि सुबुंफोरनि बोसोन होनाय आरौ बाध्राफोरखौ गोबां गोनांथि होयो। मानोना जौ मोनथिखागौ जे बिसोरो जा बाध्रा बुडे एवा फोरमायो बेयो बिसोरनि मोन्दांथिनायनि बाहागो जायो। नाथाय मोन्दांथिनाया गोसोयारि गाहामनि थाखायबो मुलाम्फा गोनां जायो। मोन्दांथिनायानो नौथानि नंगुबै गुरु, जाय बयनिखुडबो साबसिन सोलौंथाय मोनाय। गोसोखौ गाहामै लाखिनो थाखाय मोन्दांथिनायखौ माबोरै बाहायनो हागोन। बेखौ गाहायआव फोरमायनाय जाबाय।

नेगेटिव बाध्राफोरखौ सानायनि थाखाय गात्रि जायो। जुदि जेना गोनां थासारनिफ्राय माबोरै बारगनो हागोन, बेखौ मोनथि खाब्ला गोसोआ गाहामै थागोन। जे'ना गोनां थासारनिफ्राय बारग'नायनि लामाखौ मोन्दांथिनायानो दिहन्नानै होयो।

हानांगौ। मोजां आरौ गात्रि सुबुंखौ नौंथानि मोन्दांथिनायजौनो सिनायथिनो हागोन। लोगोसेनो मोनथिनो हागोनदि सोर नौंथानि नंगुबै लोगो आरौ सोर नंगुबै लोगो नड।

(4)

मोन्दांथिनायानो जिउआव माबोरै धैर्ज्य हमनांगो बेखौ फोरडो। जुदि गासिबो बाध्राफोरवनो जिगा सिब्ला गोसोआ गात्रि जायो। बेनि थाखाय धैर्ज्य हमनानै थानांगौ। बे खौरांखौ बाहायनायनि सिगां फाहामगिरिनि बोसोनखौ लानांगौ। बे खौरांखौ मोनथिहोनो थाखायल बाहायनाय जादौ।

(2) सुबुड गोजौ जायैनि जाहोनावबो जिगा सियो। जायजौ गोसोया गात्रि जायो। गाव गावनि पारसनाल प्रथ एवा जौगाखानायनि थाखाय गुबुननि मोन्दांथिनायनिफ्राय सोलौंना लादि नौंथानि थाखाय माया मोजां जागोन।

(3) गोसोखौ गाहामै लाखिनो थाखाय मोजां आरौ गात्रि सुबुंखौ सिनायथिनो

(1) गोसोआ गोबां

बुथआ डायबिटिस बेरामिनि थाखाय मुलाम्फा गोनां

आधिखालाव हादतनि 7.8 जौखोन्दो सुबुंफोरा डायबिटिस बेरामिनि भुगिनांदौ। डायबिटिस बेरामिफोर मुलिजौ लोगोसे गाव गावनि जाग्रा-लौंग्रा आदार आरौ जिउ खुंनयआव सोलायनाया गोनांथार। डायबिटिस बेरामिफोरनि थाखाय बुथआ मुलाम्फा गोनां जानो हागौ। हेल्थ एक्सपार्टनि बायदिब्ला, डायबिटिसआ मोनसे औरैबादि बेरामि, जेराव ब्लाड सुगारनि थाखोआ सामलाय जानो हायैबादि दाखलायनाय दावखोलाय जायो। गात्रि रोखोमनि जाग्रा आदार जानाय, मोजाडै जिउ खुडै आरौ फिजिकल एक्टिविटीआ खम जानानि जाहोनाव सुबुंफोर खम बैसोआवनो बै बेरामिनि मैहुर जानांदौ। पेन्क्रियाज इनेसुलिन हर्मन ओंखारनाया खम एवा बन्द जायोब्ला बडिआव ब्लाड



सुगारनि थाखोआ बाडो आरौ बेनो डायबिटिस जानायनि जाहोनावबो जायो। बुथआ थैआव गोलेयैनो गलायनाथायो। बेनि थाखायनो ब्लाड सुगारनि थाखोखौ सामलायनो थाखाय बुथखौ जानो बोसोन होनाय जायो। बुथआव भिटांमिनि ए, बि, चि, डि, फसफरास, पेटिसियाम, कार्बहाइड्रेट, प्रटिन, फाइबा, के लसियाम, मेगिनसियाम आरौ मिनारेल्सखौ मोन्नाय जायो। बेवहाय एन्ड-अक्सिडेन्ट गुनखौबो मोन्नाय जायो, जायनि जाहोनाव बेयो

बिखांनि थाखायबो मोजां जायो। डायबिटिस बेरामिफोरनि थाखाय बुथनि सोमहाबनाय दैयाबो मुलाम्फा गोनां जायो। बेनि थाखाय हरव बुथखौ दैआव सोमहाबना दोन्नांगौ। फुडव सिखारनानै बेनि देखौ लौनांगौ। बेजौ बडिआव थानाय एक्स्ट्रा ग्लुकजनि बिबाड खम जानो हागौ।

बे खौरांखौ बाहायनायनि सिगां डाक्टरनि सुबुरुनखौ लाग्रानांगौ।

एमाजन प्राइमआ सा 4 स्टेन्डअप कमेडियानफोरखौ लोगोसे लाबोगोन

गोदान दिल्ली, 21 आगस्ट : एमाजन प्राइम भिडियआ गावनि नायगिरिफोरखौ एन्टरेटेनमेन्ट खालामो थाखाय मोनसे गोदान स्टेन्डअप कमेडियान स्व'खौ लानानै फेदौ। जेराव सा 4 स्टेन्डअप कमेडियानफोरखौ लोगोसेयै मोनसे जौसाडाव लाबोनाय जागोन। जाय खौरांखौ नायगिरिफोरखौ गोबां मिनिहोगोन। बेस्व'नि गेजेरजौ नायगिरिफोरा अनलाइनआव जिरयनानै स्टेन्डअप कमेडिखौ नायनो हागोन। बेनि थाखाय एमेजन प्राइम श्रीजा चतुर्वेदी, शंकर चुगानी राम्या रामप्रिया, आदर मालिकखौ लोगोसे लानानै फेगोन। कमेडिखौ मोजां मोनग्रा नायगिरिफोरनि थाखाय एमेजननि फारसे बियो मोनसे ट्रीट। जाय बिसोरखौ 1



घन्टसिम लान्थिये मिनिहोबाय थागोन। सिरिजआव सा 4 कमेडियानफोरा 15-15 मिनिटनि थाखाय स्क्रीनआव फेगोन आरौ नायगिरिफोरखौ मिनिहोगोन। एमेजन पनीजनि बे स्टेन्डअप सर्टसआ 26 आगस्ट 2021 आव भारतजौ लोगोसे 240 निफ्रायबो बांसिन हादतफोरव एमेजन प्राइम भिडियआव लन्स जागोन। बेस्व'नि सोमोन्दै

कमेडियान, लिरगिरि, फावखुंगुर आरौ कन्टेन्ट क्रिएटर श्रीजा चतुर्वेदीआ बुंदौदि, थानाय बोसोराव क मिकसतानखौ लन्स खालामदौ आरौ एमेजन फनीजनि सिगां हाबाफारिनि उनाव आरौबाव खनसे एमेजन प्राइम भिडियजौ लोगोसे हेफाजाव खालामनानै आं खुसि जादौ।

थाखोमाना थानाय उतरखारि खलील हक्कानीआ बायजोआव ओंखारबाय

काबुल, 21 आगस्ट : आफगानिस्ताननि राजथावनि काबुलआव उतरखारि फसंथान तालिबाननि दखल खालामनायनि उनाव बेवहाय लामाफोराव उतरखारिफोरा उदाडै बेरायदों। हाथियारखौ देखादों, सुबुंफोरखौ हुमखि होदों आरो थांनाय समाव आमेरिकानि मदत खालामनायफोरखौ नागिरनानै बुथारदों। बेनि गेजेराव आमेरिकानि मस्ट वान्टेड उतरखारि खलील हक्कानीखौ काबुलनि लामाफोराव बेरायनाय नुनो मोन्दों। खलील हक्कानीनि खर'आव 5 मिलियन डलार एबा गासै 37 कौटि 15 लाख 8 रोजा 500 रंनि बान्था दड। दिने



फुनि मस्ट वान्टेड उतरखारि हक्कानीआ काबुलनि एन-5 खिस्ती मसजिदआव गासै 100 सुबुंफोरखौ तालिबाननि फारसे गोथारनि समायखिरा लाहोदों। मसजिदआव इमामनि समायखिरा

लाहोखानायनि उनाव उतरखारि खलील हक्कानीआ बुंदोंदि, जॉनि सिगांग्रो हाबा मावनाया आफगानिस्ताननि रैखाथि। मोनसे रिपर्टनि बायदिब्ला मस्ट वान्टेड उतरखारि खलील हक्कानीआ बुंदों, रैखाथि

गैयालासे जिउआ जानाय नड। जों रैखाथि होगोन। बेनि उनाव आफगानिस्ताननि सुबुंफोरखौ फालांगि आरो सोलोंथाय होगोन। आइजोफोर आरो हौवाफोरनि गेजेराव फारागथि खालामनाय जानाय नड।

आफगानिस्तानआ मुलुग नाडैनिफ्राय मोन्नाय रं-खाथिआ बन्द जानो हासिगौ

वासिंटन, 21 आगस्ट : आथिखालाव आफगानिस्तानआ तालिबाननि दखलाव दं। बेखौ नोजोर होनानै आफगानिस्तानआ मुलुगनाडैनिफ्राय मोन्नाय 7.43 लाख कौटि रंनि मदत होनाया बन्द जानो नागिरबाय। आमेरिकाया आफगानिस्ताननि 70,000 कौटि रंनि रिजार्थ फान्डखौ फ्रिज खालामबाय। आइएमएफआवो 3,450 कौटि रंनि इमार्जेन्स रिजार्थ फान्डखौ फ्रिज खालामबाय। फेनो गोनां माखासे सानफोरावबो गुबुन हादतफोरावो मदत होनायखौ बन्द खालामगोन। बेनि उनाव तालिबानआ खरसाखौ दिहुनो थाखाय मा खालामगोन। बेनि फिनखौ लानानै मुलुगआ



गिखादों। मानोना बेनि थोंजों फिनआ जादों, तालिबानआ आथिखालाव ड्वागसनि इन्टारनेसनेल नेटवार्क खौ गोखोंसिन बानायगोन। आफिखौ ड्वागसआव सोलायनानै इर'प, आमेरिका आरो भारतजों लोगोसे गासिबो एसिया हादतआव फानानै आगुनिफ्राय

बांसिन रंखाथिनि खामायगोन। तालिबाननि नेटवार्कनि सोमोन्दे थांनाय 6 लाखनिफ्राय बांसिन सुबुंफोरा आफिनि आबादनि सायाव सोनारनाय। 2001 आव आमेरिकानि सान्थिया जेब्ला आफगानिस्तानआव थाहैदोंमोन, बे समनिफ्रायनो तालिबाननि ड्वागस नेटवार्क आ लोरखां

जानायनि अनगायै गोखोंसिन जादों। आथिखालाव आफगानिस्तानआव आफिनि आबाद आरो पाकिस्ताननि मदतजों ड्वागसनि आयेन बेरेखा फालांगि खालामनाया बांगोन। मानोना बेवहाय दासिमबो खामानि मोन्नायनि जेबो आसा गैया। ड्वागसनि फालांगिजोंनो तालिबाननि 80 हाजार उतरखारिफोरा फान्डि जायो। नाटनि रिपर्टनि बादिब्ला 2020 आव तालिबानआ ड्वागसजों 11 हाजार कौटि रंको खामायदों। 2001 आव आफिनि दिहुनथाया 180 टनमोन, जाय 2007आव बांनानै 8,000 टन जादों। आफगानिस्ताननि 70 जौखोन्दो हेखनआ पाकिस्ताननि गेजेरजोंनो मुलुगनि गुबुन हादतफोराव सौहयो। आथिखालाव ड्वागसनि गहाय मिरुआ डुबाइ जादों।

काराटिनि स्टान्ट दिन्थिनाय समाव तामिलनाडुनि सासे कचआ अरजों खामजाना रुंसारि जादों

चेन्नाइ, 21 आगस्ट: अरजों मार्सेल आर्टनि स्टान्ट खालामनायखौ जेरैबायदि गोमोनाय मोनो बे बायदिनो माखासे समाव गोबाडनो दिन्थिफुनायाव जिउबो गोमायो। तामिलान्दुनि फुटकट्टाइ जिल्लानि सिखव थानाय काराटि कच बालाजिआबो स्टान्टनि समाव जिउ गोमायो। बिथाड गावनि सोलोंसाफोरखौ अरजों काराटि स्टान्टनि कचि फोरोंबाय थानाय समाव अरजों खामजाना जिउ गोमायो। बालाजिआ गावनि सोलोंसाफोरखौ लोगोसे ग्राउन्टआव स्टान्ट खालामबाय थानाय समाव गोखैयै फेनाय बारनि जाउनाव मोदोमाव अर खामजायो। जाथाय जानाय थानाय सुबुंफोरा अरखौ



खोमोरनानै बालाजिखौ देहाफ। हामसालियाव थिसन्दोंब्लाबो अर

खामदलाबनाय गोब्राब जोखोमनि जाउनाव बिथाड रुंसारि जायो। बालाजिजों

जानाय जाथाइआ गासिबो के मेरायाव रेकड जादों। पुलिसआ बिडिय फुटेजनि

समाव नायबिजिरदों आरो जाथाय जानाय जायगायाव थानाय सोलोंसाफोरनिफ्राय जाथायनि सायाव बानबुंथाय लायो। पुलिसआ फोरमायनाय बायदिब्ला पब्लिक जायगाफोराव बेफोरबायदि स्टान्टफोर दिन्थिनाया आइनबायदिगैयाथि नड। नाथाय माखासे सुबुंफोरा बेफोरबायदि आइनखौ मानियालासे स्टान खालामो आरो बेफोरबायदि जाथायनि बुलि जानाडो। सोलिलफु बोसोरावसो अलिम्पिकनि मेच महरै बाहागो जानाय काराटियाव जापान आरो स्पेनजों लोगोसे गासै दर 8 हादतफोरनिफ्राय 1-1 गल्ड मेडल देरहानो हादोंमोन।

3.86 कौटि भारतीयफोर भेक्सिननि नैथि ड्रुपखौ थुजानायआव गोबाव खालामदों

गोदान दिल्ली, 21 आगस्ट : करना इनफेक्सननि हे'थायै इमिउनिटिखौ गोखों बानायनो थाखाय भेक्सिन थुनाया गोनांथार। आथिखालाव माखासे सुबुंफोरा भेक्सिन गोयै, लोमजानाय आरो गुबुन गुबुननि जाहोनाव थि समाव भेक्सिननि नैथि ड्रुपखौ थुजानो हायाखै। आरटिआइनि बादिब्ला, 3.86 कौटिनिफ्राय बांसिन भारतीयफोरा भेक्सिननि नैथि ड्रुपखौ थुजानाय गोबाव खालामदों। जरखाफोरा बुंदों भेक्सिननि फुरा मुलाम्फाखौ लानो थाखाय समावनो नैथि ड्रुपखौ थुजानाय गोनांथार। डेल्टा भेरिएन्टनि खैफोदखौ



नोजोर होनानै बेयो गोनांथार सिन जादों। नैथि ड्रुपआ बुस्टार डजनि महरै हाबामावनो। बेयो कभिड होबथाग्रा एन्टीबडिखौ गोखों खालामनायजों लोगोसे मेमरि-बि-सेलखौबो सोमजिखां होयो। मेमरि-बि-सेलआ मोनसे रोखोमनि मोजां थै जिबिखि। सरस कब-2 भाइरासआ देहायाव हाबब्लानो बेवहाय

थानाय रिसेप्टार होबथाग्रा तन्त्रखौ गोखों खालामो। बेजों बेयो इनफेक्सनजों दावहा नांनायाव बान्जाय जाथाव एन्टीबडिखौ सोमजिखां होयो। जुदि कभिड-19 भेक्सिननि गिबि ड्रुपखौ थुजाखानायनि उनाव इनफेक्सन जायोब्ला नैथि ड्रुपखौ थुजानो थाखाय 3 दाननिफ्राय थाद'नो थाखाय बोसोन होनाय जायो।

नेटफ्लिक्सआ गोदान भिडियखौ फोसावदों



गोदान दिल्ली, 21 आगस्ट: नेटफ्लिक्सनि क्राइम वेब सिरिज मनी हाइस्टनि 5 थि आरो जोबथा सिजेनखौ बेनि फेन्सफोरा गोसो होसारनानै नेनानै दड। 5 थि सिजेनखौ मोन 2 बाहागोयाव रिलीस खालामनाय जागोन। गिबि बाहागोखौ नै सप्ताहनि उनाव 3 सेप्टेम्बरआव नेटफ्लिक्सआव स्ट्रीम 3 डिसेम्बरआव जागोन। बेखौ गोसोखां होनानै प्लेटफर्मआ शुक्रवारआव गोदान भिडियखौ फोसावदों, जेराव प्रफेसारनि हान्जानि सायाव गोखोडै होबथाग्रा पुलिस हान्जानि सोद्रोमाफोरनि नुथायखौ दिन्थिनाय जादों। बे हान्जानि फावखु'गुर जस मेनुअलआ सामलायगोन जाय प्रफेसारनि हान्जानि गोहोखौ

लानो फेदों। 5 थि सिजेनखौ लानानै दोहौआ बांसिन सोमजिदों, मानोना श्व'नि बेयो जोबथा सिजेन। फेन्सफोरा मोनथिनो उसुखुथु जादों प्रफेसारआ फेनायनि उनाव उसुखुथु जानाया आरो बांबावदों, मानोना प्रफेसारखौ जिन्त्रिजों खाथेनाय दिन्थिनाय जादों। नाथाय जे'नाखौ सुखांग्रा

प्रफेसारआ बे खेबआव गावनि हान्जाखौ रैखाथि होनो हागोन ना हाया, बेनि सो'थि साफ्रोमबोनि गोसोयाव सिखादों। 4 थि सिजेनआ 2020 आव फेदोंमोन, जेराव 8 एपिसडस दडमोन। मोन 4 बो सिजेनखौ नेटफ्लिक्सआव नुनो मोन्दों। नेटफ्लिक्सआव श्व' स्पेनिशनि अनगायै इंग्रजी, हिन्दी, तामिल आरो तेलुगु रावफोराव मोन्नो हादों। सिरिजनि मुंदाखा जानायखौ नुनानै नेटफ्लिक्सआ मनी हाइस्ट 5 थि हिन्दी ट्रेलाखौबो रिलीस खालामदोंमोन। मनी हाइस्टआ गाहायाव महरै स्पेनिश सिरिज, जायनि स्पेनिशयाव टाइटलआ La Casa De Papel आरो भिडियनि जोबथायाव La Casa De Papel 5 खौनो लिस्नाय जायो।

100 कौटि गथ 'फोरनाव बोथोर सोलायनाया गोहोम गोग्लैदों

निउयर्क, 21 आगस्ट : मुलुगआव सा 100 कौटि गथ 'फोरनि सायाव बोथोर सोलायनाय आरो आबहावा गुबुले जानायनि गोहोमा गोग्लैदो हागौ। इउनिसेफनि बादिब्ला, भारतजों लोगोसे दर 33 हादतफोरनि गथ 'फोरनि देहा, सोलोंथाय आरो रैखाथिनि सायाव खैफोदआ साग्लोबसारदों। क्लाइमेट चेन्ज आरो आबहावा गुबुले जानायनि जाहोनाव मुलुगनाडै नि गथ 'फोरना गोहोम गोग्लैदों। भारत, नाइजिरिया, फिलिपिन्स आरो आफ्रिकाजों लोगोसे दर 33 हादतफोरनि गथ 'फोरनाव हीटवेव, दै बाना लोमसावनाय, चक्रबात बारहुंखा बारनाय, बेगम, रानस्नाव बोथोर जानाय आरो आबहावा गुबुले जानाया गोहोम

गोग्लैदों। इउनिसेफआ बे थासारिखौ गिखंथाव होनानै फोरमायदों। रिपर्टआव बुंदोंदि, बोथोर सोलायनायनि खैफोदआ सरसन्था नडमोन। फेनो गोनां समफोराव बेयो गात्रिसिन जाबावनो हागौ होनानै सन्देह खालामदों। मुलुगनि टप 10 हादतफोर, जाय बयनिखुडबो बांसिन हाइ रिस्कआव दं, बियो 0.5 जौखोन्दो ग्लबेल इमिशननि थाखाय दायनिगिरि। रिपर्टआव फोरमायदोंदि, 92 कौटि गथ 'फोर दैनि खमि, 82 कौटि गथ 'फोर हीटवेव आरो 60 कौटि गथ 'फोर मेलेरिया आरो डेंगु बायदि बेरामजों भुगिनादों। मुलुगनाडै 30 कौटि गथ 'फोर आबहावाजों गुबुले जानाय ओन्सोलाव थायो।

फोरमायै सिमां

(□ 2 बिलाइनिफ्राय) सोर साबेसे बर'हिनजावफ्रा डाक्टर-ईन्जिनियर-अफिसार फिसाय मोन्दों? आरो जयन्त, अनजालिया दहाय आंनाव फेदोंमोन गावनो मोनसे टप सिक्केत फोरमायलादों। मा फोरमाया? जयन्त नोथाडा फोथाय, बेफोर फोलानाय नड। गाव बुंथिनो हायैलाय बियो आंखौ हमदों। नुजेन्यायवनो गोसो थोदों होन्दों नो'थांखौ। अनजालिआ लुबैयो नो'थांनि गोसो बिखा-बिख्लो। नो'थांहा हामब्लायनाय दं फा? जयन्तआ सिरि थादों। बायजोथिं गोजानाव लाथिखआव नायखलें हरदों बेसेबा गोबाव। उनाव खुगा बेखेवदों, नो'थाडा आंनि आंगोनि लोगो जाबाय जेब्ला, नो'थांनि सिगाडव बाथाखौ दोनखोमानाया गहाम जानाय नड। अनजालिआ आंखौ जिखि साना नाथाय गोरोंथि जाबाय। अनजालिआ गोसो थोनानै गोरोंथि खालामबाय। बबेखानि गोसो थोनायाव

खालामनो हाया। बियो मेगन खेवदों जयन्तखौ। जयन्तजों बियो अनानै नामसि नामसि खालामो। हिनजावफोरनि खाथिआव फेफेरे जयन्तआ दहमैनो मार्सिनानि फासँ लेमलादोंमोन। बेबायदिनो मोजां मोनलायदोंमोन। उनाव सतबांसाबो लाचलायदों। जयन्तआ गाव मार्सिनानि खरआव दानानै बिखौ फोथाय होदोंमोन, मार्सिना नो नडब्ला जीउआव आंहा रावजोंबो हाबा जानाय नड। नाथाय समायखौ लाब्लानोथ' जाया। फोरमान होनांगोन। बेनि बोसोरनैनि उनावनो जयन्तनि अर आनजाद। पि. इ. चि. आनजादआव उथिनानै जयन्तआ कक्राझाराव अनार्च गैयैनि सिल'आव फरायहैदों फिजिक्सआव अनार्च लानानै। मार्सिनाआ फेल खालामदों। बे बुल्लियानो जयन्तनि थाखाय गात्रि आरो दुखु गोनांमोन। मार्सिनाखौ बियो लायजामजोंसो लोगो हमनांबाय थांनादोंमोन। मार्सिनाया फिनखोआव सम-सम सतबांसनि बाथाखौनो रायखंहरबाय थायोमोन। नाथाय एसेआवबो बि. एच. चि. नि (उन विसानाव)

रैखाथि सान्थिफोरा जैश-ए-महम्मदनि सा 3 उतरखारिफोरखौ गावथारनो हादों

श्रीलंका, 21 आगस्ट: जम्मू काश्मीरनि पुलवामा जिल्लायार रैखाथि सान्थिफोर आरो उतरखारिफोरनि गेजेराव गुलि गावलायनाय जायो। त्रालनि हाग्राबारि ओन्सोलाव रैखाथि

सान्थिजों लोगोसे गुलि गावलायनायाव जैश-ए-महम्मदनि सा 3 उतरखारिफोरखौ गावथारनो हायो। सार्च अपारेशनआ सोलिगासिनो दं। जम्मू-काश्मीर पुलिसआ

फोरमायदोंदि, उतरखारिफोर थाफेनायनि खौरं मोन्नायाव रैखाथि सान्थिफोरा खोला काश्मीर जिल्लानि नागबेरान त्रालनि हाग्रा बारनि गोजौ ओन्सोलाव बेंदंनानै खना-खनला सिग्रोमनाय अभियान

सालायो। उतरखारिफोर रैखाथि सान्थिफोरनि सायाव गुलि गावो, जायनि उनाव मोनैबो हान्जानि गेजेराव गुलि गावलायनाया जागायजेनो। गुलि गावलायनाया दासिमबो सोलिगासिनो दं।

प्रिमियर लीगआव मेनचेस्टर सिटिआ नर्बिच सिटिनि हेंथायै देरहानायजों सिगां फारसे आवगयनो नाजागोन

गोदान दिल्ली, 21 आगस्ट: आइ पि एलनि डिफेन्डि चैम्पियन मेनचेस्टर सिटिखौ जागायजेन्नायावनो गात्रियै गेलैना दिन्थिफुंनयखौ नुनो मोन्दें। गिबि मेचआव टटनहम हाटस्फरनि हेंथायै 0-1 गलनि फारागाव जेन्नायनि उनाव मेनचेस्टर सिटिआ प्रिमियर लीगनि बादायनायाव टिमनिफ्राय पइन्टखौ मोन्नो नाजागोन। नैथि मेचआव लोरबां टिम महरै मिथिजाणाय नर्बिच सिटिजों एतिहाद स्टेडियमआव मोजाडै गेलैना दिन्थिफुंनो नाजागोन। नर्बिचआ जाना नैथि थानाय गिबि मेचआव लीगनि टप टिम लिबार्फुलनि हेंथायै गज्रियै 3-0 गलनि फारागाव जेन्नो गोनां जादों। मेनचेस्टर सिटिनि गोखौ लाइमोन मिडफिल्डर फिल फुडेनखौ



आथिखव जेखोम जानायनि जाउनाव बे मेचआव गेलैनाय नुनाय नड। थानाय मेचआव टटनहमनि हेंथायै जानाय मेचआव जेन्नाजों मोगा-मोगि जानानाय इल्के गुन्डागनआ आथिखालाव फिटआव दं आरो बिथाड नाबिचनि हेंथायै जानो गोनां मेचाव बाहागो लानो थियारियाव दं। मेनचेस्टर

सिटिनि टिमआव 100 मिलियन पाउन्ड (10 बिलियन रं)जों बायजानाय इल्केनडि गोखौडे गेलैना जेक प्रिलिसआ गिबि मेचआव मोजाडै गेलैना दिन्थिफुंनो हायाखै मोन। बेबायदि थासारियाव मेनेजार पोफ गार्डियलानि टिम मेनचेस्टर सिटिआ आथिखालाव स्टाइकारनि खम जानायजों

मोगा-मोगि जानादों। जानो गोनां मेचआव प्रिलिस निफ्राय मोजाडै गेलैना दिन्थिफुंनोनि आसा खालामदों। नर्बिच टिमआ प्रिमियर लीगनि थानाय 11 मेचफोरज जेन्नायजों मोगा-मोगि जानादोंमोन। बेबायदि थासारियाव मेनेजार डेनियेल कार्वेनि नर्बिच सिटिनि टिमआ मेनचेस्टर सिटिनि हेंथायै जुजिनांगौवा गोरलै नड। 2019 आव नर्बिचनि टिमआ मेनचेस्टर सिटिजों 3-2 गलनि फारागाव फेजेन्नो हादोंमोन। अब्लाबो थानाय खेब 6 बादालायनायनि खेब 3 मेचवने मेनचेस्टर सिटिआ देरहानायखौ मोन्नो हादोंमोन आरो खेब 1 मेचआव नर्बिचआ गावसोरनि मुं लाखिनो हादोंब्लाबो खेब 2 मेचआव इ जाना फेदोंमोन।

मनिका बत्रा-जी सातियाननि जराया डब्लिउटिसि कन्टेन्डर चेम्पियनसिफआव मिक्स डबल्सनि बिमुं देरहादों

गोदान दिल्ली, 21 आगस्ट: भारतनि टेबल टेनिस गेलेगिरि मनिका बत्रा आरो जी सातियानआ डब्लिउटिसि कन्टेन्डर चेम्पियनसिफआव हांगारिनि जराखौ 3-1 नि फारागाव फेजेन्नायजों मिक्स डबल्सनि बिमुं गावसोरनि मुं लाखिदों। बिसोर सानै भारतीय जरा गेलेगिरिफोरा 2018 नि कमानवेल्ट गेम्सआवबो जुथायै गेलेदोंमोन। बिथामोना हांगारिनि डस मादारस्क आरो नान्डार एस्केनि 94 थि रेंकिनि जराखौ 11-9, 9-11, 12-10, 11-6 नि फारागाव फेजेन्नो हानायजों फिन गावसोरनि जरा नि गोहोखौ दिन्थिफुंनो हायो। मनिका आरो सातियानि थाखाय देरहानाय मोनसे



जारिमिन, जेराव बिथामोना फिन गावसोरनि जराखौ गोहोयाव लाबोनायजों गावसोरनि जराखौ 2024 नि फेरिस अलिम्पिकसिम लाखिलांबाय थानो थांखि लायो। मनिकाया

रंगौथि गोनां शरत कमलजों लोकोसे एसियान गेम्सआव ब्रन्ज मेडल देरहानो हादोंमोन आरो बावैसो साननि सिगां जोबना थानाय टकिय' अलिम्पिक आवबो जु थायै

गेलेदोंमोन। सातियानआ बुंदोंदि, जानानै थानाय चेम्पियनसिफनि फाइनालआ गोब्राबमोन। नाथाय बेनिफ्राय बांसिन गोब्राबनि बादायलायनाया क्वार्टर फाइनालाव जादोंमोन। वेयाव बिथामोनि जराया स्लबाक्रिया नि मुलुगनि 7 थि रेंकिनि जरा (बारबर ब्लाजबा आरो लुबामि पिस्तेज) खौ फेजेन्दोंमोन। सातियानआ बुंदों, बेयो थारैनो गोत्रोथावना बाश्रादि जों गोबां खम हुदा खालामदोंब्लाबो गोबावै बादायलायनायाव देरहासारनायखौ मोन्दें। बेबायदि जाफुंसारनाया रोखायै दिन्थियोदि जरा महरै जौनि हानजाया गोबां देरहासारनायखौ मोन्नो हाबावगोन।

सिनसिनाटि मास्टर्सनि क्वार्टर फाइनालाव मेदबेदेबआ जायगा आवग्रिबाय



मेसन, 21 आगस्ट: टप रेंकिनि रासियानि टेनिस गेलेगिरि डेनिल मेद बेदेबआ सिनसिनाटि मास्टर्स टेनिस चेम्पियनसिफनि क्वार्टर फाइनालाव जायगा आवग्रिनो हाबाय। फारसेथिं जापाननि नवामि असाकाया जेनाजों मोगा-मोगि जानादों। नबाक जकबिक, रजार फेडरार आरो रफेल नाडालनि बाहागो लायैयाव 2019 नि चेम्पियन मेदबेदेबनि थाखाय देरहानायव गोरलै जाना फेदों। बिथाड बुगलारियानि गिगर दिमिब्रखौ गोरलैयैनो थोंजों सेटआव 6-

3, 6-3 नि फारागाव फेजेन्नायजों क्वार्टर फाइनालाव जायगा आवग्रिदों। गुबुन फारसेथिं नैथि रेंकिनि गेलेगिरि असाकाया 76 रेंकिनि गेलेगिरि जिल टिचमेनि हेंथायाव 3-6, 6-3, 6-3 नि फारागाव जेन्नायजों मोगा-मोगि जानाडो। टप रेंकिनि गेलेगिरि एस्ले बार्टिआ डिफेन्डि चैम्पियन बिक्टरिया अजारेनकाखौ 6-0, 6-2 नि फारागाव फेजेन्नो हादों। आगुनि चेम्पियन केरलिना फिलसकबाया जसिका पेगुलाखौ 6-4, 7-6 (75) नि फारागाव

फेजेन्नो हादों। हौवाफोरनि बादायनायाव अलिम्पिक चेम्पियन जानो हानाय थामथि रेंकिनि गेलेगिरि एलेकजेन्डर जेबेरेबआ गुड्ड पेलाखौ 6-2, 6-3 नि फारागाव फेजेन्नो हानायजों इयुन बादायनायाव जायगा आवग्रिबाय। स्टेफानस सितासिपासआ लरेन्जा सोनेगाखौ 5-7, 6-3, 6-4 नि फारागाव फेजेन्नो हादों। टेनिस मुलुगनि बिग थिआव थाफादेरनाय रफेल नाडालआ मोनबो ग्रेन्डस्लेम बिमुं देरहायाजासे गावनि 2021 सिरिज जोबनायनि बाश्राखौ पोसावनायाव नबाक जकबिचनि 21 थि ग्रेन्डस्लेम देरहानायनि लामाया गोरलै जाबाय। मानोना जानोगोनां इएस अफेननि सिगांनो रजार फेडरारआबो जोखोमनि जाउनाव गावनि मुंखौ बोखाना लाफिनबाय। इएस अफेननि चेम्पियन डमिनिक थिमआ सोलिफु बोसोरनि इएस अफेनाव बाहागो लानाय नड।

गोदान दिल्ली, 14 आगस्ट: आइ पि एल 14 थि सिजननि आद्रा थानाय क्रिकेट कन्ट्रल बर्डनि बयजोंबो मिथिजाणाय लीगआव मुलुगनि गोखौ गेलेगिरि आरो लाइमोन गेलेगिरिफोरा बाहागो लानो हास्थायो। दुनांमेन्टि फ्रेन्चाइज टिम पान्जाब किंग्सआ टिमआव गोदान गेलेगिरिखौ लाफादेरदों। बावैसो सिगां अस्ट्रेलियानि जाना टि-20 आव डेब्यु खालामनाय एलिसखौ रिचर्डसननि जायगायाव सिजननि आद्रा थानाय मेचफोरनि थाखाय टिमआव सोफादेरबाय। आइ पि एलनि 14 थि सिजननि खेब 31 मेचफोरनि बादायनाया फेगौ 19 सेप्टेम्बरनिफ्राय जागायनानै फेगौ 5 अक्टबरसिम सोलिना फेगोन। बेबायदि थासारियाव फ्रेन्चाइज टिमफोरा जोखोम जानाय गेलेगिरिफोरनि जायगायाव गुबुन गेलेगिरिफोरखौ सोफादेरनायाव नांथाबना दं। खौरनि बादिल्ला पान्जाब किंग्स टिमआ




अस्ट्रेलियानि गोखौडै बल खुबैरा एलिसजों सिजननि आद्रा थानाय मेचफोरनि थाखाय मुंसाइ होबाय। बांलादेशनि

हेंथायै टि-20 डेब्यु मेचआव हेट्रिक लानाय एलिसखौ आइ

सि सि टि 20 वाल्ड कापनि थाखायबो अस्ट्रेलियाआ 15 सोद्रोमानि टिमआव जायगा होदों। पान्जाबनि टिमआ एलिसखौ लाफादेरनायनि थांखि लादों मानोना अस्ट्रेलियानि सानै गेलेगिरि रिचार्डसन आरो रिसे मेरेडिटआ आइ पि एलनि आद्रा थानाय बे सिजनव बाहागो लानाय नड। बिसोरो दुनांमेन्टिफ्राय बायजोयाव थाबाय। झाय आरो मेरेडिटखौ पान्जाब किंग्सनि टिमआ निलामयाव बांसिन बलि (रादाय) होनानै टिमआव लाफादोंमोन। झायखौ 14 कौटि आरो मेरेडिटखौ 8 कौटि रं, होनानै गावसोरनि टिमआव लाफादोंमोन।

जुनियर वर्ल्ड कुस्ती चेम्पियनसिफआव भारतीय आइजो टिमनिफ्राय सन्जु आरो भटेरिया सिलभार मेडल देरहादों



गोदान दिल्ली, 21 आगस्ट: भारतीय खमलायग्राफोरा मुलुगाव गावसोरनि गोहोखौ दिन्थिफुंनो हादों। बावैसो साननि सिगां जोबना फेनाय टकिय अलिम्पिकआव भारतीय खमलायगिरि बिजय दहियाआ सिलभार मेडल देरहादोंमोन।

भारतनि जुनियर आइजो गेलेगिरिफोराबो गावसोरनि गोहोखौ मोजाडै दिन्थिफुंनो हानायजों जुनियर वर्ल्ड कुरती चेम्पियनसिफआव गं 2 सिलभार मेडल देरहानो हादों। सन्जु देबी (62 कि:ग्रा) आरो भटेरि (65 कि:ग्रा) आ

गावसोरनि फाइनालाव जेनाजों मोगा-मोगि जानानै सिलभार मेडलाव गावसोरनि मुं लाखिदों। सनेह (72 कि:ग्रा) आ हान्थुआव जोखोम जानायनि जाउनाव ब्रन्ज मेडल बादायनायाव जेन्नायजों मोगा-मोगि जानादों। सन्जु देबीआ सिगांनि बादायलायनायाव फिन गोहोयाव फेफिनायजों देरहासार जानो हादोंमोनब्लाबो थानाय बावैसो सिगां जानाय जुनियर मेचनि फाइनालाव बेबायदि गोहोखौ दिन्थिनायाव फेले जायो। बिथाड सिगांनि फाइनाल मेचनि गिबि फिरियडआव गावनि आदबजों देरहासार जाना गल्ड मेडल देरहानो हादोंमोन। भटेरिआबो 65 कि:ग्रा:नि फाइनालाव मलदबानि इटिना रिनगाचीनि

हेंथायै जेन्नायजों मोगा-मोगि जानादों। भारतीय आइजोफोरा दुनांमेन्टिआव गं 3 सिलभार आरो गं 2 ब्रन्ज मेडलजों गासै गं 5 मेडल देरहानो हायो। भारतीय आइजो टिमआ 134 फइन्ट जों थामथि जायगा आवग्रिनायाव जाफुंसार जायो। रासियाआ 134 फइन्ट लाखिनो हादोंब्लाबो गं 2 गल्ड मेडल देरहानायनि जाउनाव नैथि जायगा आवग्रिनो हायो। आमेरिकाया 143 फइन्टजों गिबि जायगा आवग्रिनायाव जाफुंसार जादों। हौवाफोरनि फ्रिस्टाइलआव भारतीय खमलायगिरिफोरा गं 1 सिलभार आरो गं 5 ब्रन्जजों गासै गं 6 मेडल देरहानो हादों।

पाकिस्तान आरो आफगानिस्ताननि गेजेराव वान्डे सिरिजखौ लानानै बेल्ले-बेजे, पि सि बिआ टिमनि फोसावनायखौ दोनबाय

काराची, 21 आगस्ट: पि सि बिआ लाहराव जागायनो गोनां ट्रेनि केम्प आरो फेगौ दाननिफ्राय श्रीलंकायाव आफगानिस्ताननि हेंथायै जानो गोनां वान्डे सिरिजनि थाखाय टिमनि फोसावनायखौ दोनबाय। तालिबानआ दखल खालामनायनि उनाव आफगानिस्तानआव थानाय 20 बोसोरनिफ्रायनो थासारिया गात्रिनिफ्राय गात्रि सिन जाबोदों। बेबायदि थासारियाव पि सि बिआ सिरिज जागोननि सायाव ए सि बिनिफ्राय रोखा मिथिनो लुबैदों। रोखा जानायनि उनावसो पि सि बिनिफ्राय टिमखौ फोसावगोननि थांखि लादों। वान्डे सिरिजनि बादायनाया फेगौ 3 सेप्टेम्बरनिफ्राय श्रीलंका नि हनबनटयाव जागायना फेगोन। श्रीलंका बर्ड (एस एल सि) आ ए सि बिनि जानानै मेचखौ सामलायगोन। सासे बिबानगिरिया फोरमायदोंदि,



आफगानिस्तान क्रिकेट बर्डनि बिबानगिरिफोरा दासिमबो गावसोरनि गेलेगिरिफोरखौ काबुलनिफ्राय कलम्ब सिम दावबायगोननि सायाव रोखा खालामाखै आरो मेचनि हाबाफारिखौबो फोसावाखै। खौरनि बायदिल्ला ए सि बिआ काबुलनि उरां

गाथोनाव थासारिखौ सामलायगासिनो थानाय तालिबान आरो आमेरिकानि सांथि फोरजों सावरायगासिनो दं। अफगान क्रिकेट बर्डनि सासे गागि बिबानगिरिया फोरमायनाय बायदिल्ला काबुलनिफ्राय कलम्ब सिम दावबायगोननि सायाव

थाबैनो खौरां मोनगोन। पाकिस्ताननि केप्टेन बाबर आजम, महम्मद रिजवान आरो गोखौ बलि खालामग्रा हसन आलि आरो शाहिन शाह, अफरिदिजों लोकोसे माखासे गेलेगिरिफोरखौ सिरिजनि थाखाय आराम लानो हागौ।